

嘉靖資治通鑑綱目

二上

庫文閣内		
二八三	五	漢

内閣文庫		
番號	漢	5966
冊數	57	( 3 )
函號	283	33



綴じ部(喉部分)の文字など開きが不鮮明な箇所あり



資治通鑑綱目卷之二

漢書文庫

起丙午盡戊戌西楚  
霸王四年漢王四年  
考異 提要丙午下有秦昭襄王五  
十二年戊戌下無西楚霸王

四年凡五十二年

丙午

秦昭襄王五十二年楚考烈王八年燕考王三魏安釐王二十  
趙孝成王十一年韓桓惠王十八年齊王建十年凡七國

考證 秦晉自秦始皇帝并六國之後漢起於楚之後晉起於平  
秦起於始皇帝并六國之後漢起於楚之後晉起於平

吳之後起於平陳之後是謂之後如隋則綱目與通鑑同起於


開皇九年平陳之後是謂之後如隋則綱目與通鑑同起於

與禮命討皆原於天尊卑有分內外有制立綱振紀天下不

敢紊是以六經不言正統自正也周衰聖賢不相統淪  
法敦禮廢樂崩馴至疆秦入寇王室七國均敵不相統淪

後若南北朝五代戎狄盜賊交於中國天下無主不得已  
同謂之無統大儒述作之義在於貴正統而賤無統故曰

是書後之君  
子必有取焉





**書法** 按通鑑自是歲揭秦紀而大書之蓋周既亡而  
列國矣此其與列國分註何天下未一也天下始以正統  
例大書之此網目所以大一統也故曰統

**秦丞相范雎免**

秦河東守王稽坐與諸侯通棄市王臨朝而歎應侯謂  
其故王曰武安君死而鄭安平王稽等皆畔內無良將  
外多敵國吾是以憂應侯懼不知所出燕客蔡澤聞之  
西入秦先使人宣言於應侯曰蔡澤見王必奪君位應  
侯召澤讓之澤曰吁君何見之晚也夫四時之序成功  
者去商君吳起大夫種河足願與應侯諺曰何為不可  
名可法而身死者次也二子之可願孰與閔天周公哉  
語曰日中則移月滿則虧進退盈縮與時變化今君然  
已讎而德已報意欲至矣而無變計竊為君危之應侯  
曰善遂薦澤於王因謝病免

**集覽**

商君衛之庶公子名

故號商君孝公卒惠公車裂之吳起衛人為楚悼王相  
悼王死大臣作亂攻殺起天夫種種上聲名也姓文字  
子禽楚之郢人其事越王勾踐為大夫後被殺何足願與  
與平聲語末辭也本傳作其卒然亦可願與閔天周公  
閔天姓名周文王武王之臣周公名旦武  
衛人嘗學於魯子好用兵為魯將破齊復為魏將擊秦  
魏武侯善之為西河守大振聲名既而見疑適楚悼王  
聞其賢以為相於是撫養士卒平越取陳却晉伐秦諸  
侯畏楚之強大夫種春秋時越大夫也吳王夫差敗越  
兵于夫椒越王勾踐使種行成于吳勾踐既歸國屬政  
于種及滅吳種謀居多後以范蠡遺書稱疾不朝或謂  
種將作亂王賜以屬鏹之劍遂伏劍死周公姬文王  
之子世居岐山生有聖德輔武王伐紂以安天下又輔  
成王制禮作樂

**書法**

免例有三書某人免者可免者也著所坐者有  
罪者也書免某人官下某人獄免徵下獄免者

無罪者也



范睢傾險之士然能知止而退  
發明亦有足取故書免而不夫其官

楚以荀况為蘭陵令

荀卿趙人春申君以為蘭陵令荀卿嘗與臨武君論兵  
於趙孝成王前王曰請問兵要卿對曰要在附民夫仁  
人之兵上下一心三軍同力臣之於君也下之於上也  
若子弟之事父兄若手臂之扞頭目而覆胃腹也故兵  
要在於附民而已齊人隆技擊得一首者賜贖鎰金無  
本賞矣事小敵彘則偷可用也事大敵堅則渙然離耳  
是亡國之兵也其去質市備而戰之幾矣魏氏之武卒  
以度取之衣三屬之甲操十二石之弩負矢五十置戈  
其上冠冑帶劍贏三日糧日中而趨百里中試則復其  
戶利其田宅氣力數年而衰而復利未可奪也改則其  
生民也陋隘其地雖大其務以寡是危國之兵也秦人其  
使民所以要利於上者非閭無由也慶賞之兵也以刑罰  
甲首而隸兵家是最為衆疆長久之道然皆於賞相長五  
之兵未有安制綦節之理也故齊之技擊不可以遇魏  
之武卒魏之武卒不可以遇秦之銳士秦之銳士不可

以當桓文之節制桓文之節制不可以敵湯武之仁  
故招延募選隆勢詐尚功利是漸之也禮義教化是齊  
之也故兵大齊則制天下小齊則制隣敵若夫招延  
募隆勢詐尚功利之兵則勝不勝無常相為雌雄耳夫  
是之謂盜兵君子不由也王曰善請問為將則曰號令  
欲嚴以威賞罰欲必以信也舍欲周以固徒舉進退欲  
安以重欲疾以速窺敵變欲潛以深欲伍以寡遇敵  
決戰必行吾所明無行吾所疑夫是之謂六術無欲將  
而惡廢無怠勝而忘敗無威內而輕外無見利而不顧  
其害凡慮事欲熟而用財欲泰夫是之謂五權可殺而  
不可使處不不完可殺而不可使擊不勝可殺而不可使  
欺百姓夫是之謂三至凡百事之成也必在敬之其敗  
也必在慢之故敬勝則吉怠勝則敗夫是之謂慎行此六術五  
權三至而處之以恭敬無愆夫是之謂慎行此六術五  
君曰善請問王者之軍制制曰將死鼓御死轡百吏死  
職士大夫死行列聞鼓聲而進金聲而退順命為上有  
功次之不殺老弱不掠田稼服者不禽格者不赦犇命  
者不獲凡誅非誅百姓也誅其亂百姓者也百姓有捍  
其賊者是亦賊也故順刃者生僚刃者死犇命者貢有



誅而無戰不屠城不屠軍不留衆師不越時故亂者樂其政不安其上者欲其至也臨武君曰善陳豈問曰先士議兵常以仁義爲本然則文何以兵爲哉卿曰仁者愛人故惡人之害之也義者循理故惡人之亂之也故兵者所以禁暴除害也非爭奪也

**集覽** 荀卿趙人名况時人相尊號之曰卿後辟漢宣諱號曰孫卿

武君荀子注臨武君楚將也未知姓名或曰劉向序云荀卿至趙與孫臏議兵孝成王前孫臏即臨武君也今按史記年表齊宣王二十二年孫臏爲軍師敗魏人於馬陵至趙孝成王元年已七十餘年年代相遠疑臨武君非孫臏也隆技擊隆尚也以勇力擊斬敵者號爲技擊孟康曰兵家之技巧者習乎定便器械積機關以立攻守之勝者無本賞末嘗謂有功同受賞也斬首雖戰亦賞不斬首則雖戰亦不賞是無本賞也斬首雖戰亦讀曰脆若遇小敵而敵番則可偷竊而用此技其去債而備而戰之幾矣此與貨市井傭作之人而使之戰者相去幾何以度取之取其材力長短中度者三屬之甲屬音注甲札之數也如淳曰上身穿一胛一胛二凡三屬也

也皆相連屬也又七屬甲注見唐德宗建中三年勅曰糧贏音盈負也又負三日糧食日中而趨百里謂重而趨一日之中可行百里甲試則復其戶役給其便利之處中去聲復音福試中其技則復除戶役給其便利之處不征徭也改造則不易周改造更選釋也則又如前其稅必寡優復既多則賦稅寡少無所資用恒之恒音徂音也戰勝則厚賞使習以爲常饋之饋藉也不勝則以刑罰凌藉之五甲首而隸五家戰獲五甲首則得役隸其鄉里之五家要制綦節綦音綦極也揚倥曰安制謂安於制度自不踰越極於中義心不爲非之理漸之謂漸進而近於法未爲理也處舍欲周以固處舍營壘也周密牢固則敵不敢陵奪安以重舉動進退之法靜則安重而不爲輕舉舉疾以速動則疾速而不失機權潛以深使間諜以觀敵國當潛隱深入伍以參伍參錯雜也錯雜於敵中而盡知其事所明所知處所疑疑危處六術自上文號令至遇敵此六術無欲將而惡廢惡去聲無求進而惡退無怠勝而志敗無既勝則或怠而至於敗亡用財欲泰謂不當恡賞五權此五者乃爲將之權謀可殺而不可使處不完所處必須完固若處不完之地也寧可自殺三至此三者謂之至言其守而不變也



將死鼓將當死於鼓之下左傳師之耳目在吾旗鼓馭  
 死轡馭車者當死守轡策不獵田稼獵與獵同蹂踐也  
 服者不禽不戰而退者不追禽之務者不赦捍拒格鬪  
 者必殺無赦奔命者不獲奔與奔通奔走來歸命者不  
 獲之為因俘係刃者死荀子係本奔注蘇讀為係向  
 也奔命者貢取歸命者貢獻於上將不屠城屠城謂毀  
 其城而殺其民若宰六畜然不潛軍言用軍無所潛伏  
 不其亂國之政者欲其至也樂正誤可殺而不可使處  
 安其來征也猶東征西夷怨之意正誤今按此謂將  
 若其有罪寧可殺之不可使處不完之地而賈賈云商  
 致兵敗傷眾也奔命者貢今按貢于國君賈賈云商  
 趙人仕楚為蘭陵令著書數萬言羽翼六經有荀  
 子書傳流于世爾陵縣名注見漢光武建武四年  
 其所以終綱目書以為為令十有二是年荀况漢元帝  
 永光元年張猛晉孝武太元十六年范弘之隋文帝  
 開皇二十年王加唐太宗貞觀十四年韋元方中宗  
 嗣聖九年秋仁傑二十一年戴令言玄宗開元二年  
 徐倫為非譏也

**周民東亡秦取其寶器遷西周公於巢狐之聚**

**集覽**巢狐地名

巢音憚徐廣曰巢狐聚近陽人聚在洛陽南百  
 五十里括地志云汝水之外古梁城即巢狐聚  
 巢狐聚名在河南府城外五十里梁  
 新城之間秦取九鼎遷西周公于此  
 ○楚人遷魯于莒而

**取其地**

秦五十三楚九燕王熹元魏二秦伐魏取吳城○韓王入

**朝於秦**

**書法**書入朝何秦益疆也自威烈至周亡韓未嘗書  
 來朝於是書入朝於秦罪韓也六國韓最先朝  
 秦而秦亦最先滅之然則自卑以媚敵者果  
 不足以自免矣自是七國始書王周已亡也



**發明** 戰國諸侯自稱王以後綱目例皆書君所以不  
予其僭也今此又復書韓王何哉是時周故既  
亡上無天子故諸侯因其稱王而書之亦所以著其  
僭爾然韓既稱王乃書入朝于秦為有身為王者乃  
奔走朝事他國者哉  
擧事直書義自見矣

○魏舉國聽令於秦

戊申 秦五十四 楚十 燕二 魏二十 秦王郊見上帝於雍

**發明** 郊見天子之禮也春秋魯郊聖人因事屢書而  
譏之或者以為周賜以天子禮樂故魯得郊祀

然夫子乃曰魯之郊禘非古也周公其衰矣孔子魯  
之臣子其不謂魯之郊禘非古也周公其衰矣孔子魯  
受封已僭祀西時至文宣靈廟上下用事四帝揚  
惟所謂僭莫僭甚祭祭莫重於天者是也今上書韓  
王入朝魏舉國聽令下書郊見上帝於雍蓋明著其  
既服諸侯益肆其僭侈之志云爾異特呂政吞滅諸  
國毒痛四海方且行封禪祠諸神然不二世湯滅帝  
果私於秦哉嗚呼吾誰欺欺天乎曾謂大山如木  
放乎後之僭祀禮  
福者可以觀矣

○楚遷于鉅陽

巳秦五十五 楚十一 燕三 魏二十 魏人殺衛君而立其弟

弟魏

庚寅 秦五十六 楚十二 燕四 魏二十 秋秦王稷薨太子柱立韓

王衰經入弔祠考異

**書法** 七國始書薨周亡也周亡綱目王七國則曷為  
不書崩書薨分王也書薨足以異之矣綱目不

皆薨立六王必有事而後書惟秦悉書之  
詳秦世也自是秦有大事必書時若月  
**發明** 弔若此則亦視勢之強弱而不顧禮之當否爾  
韓之卑弱如此將以求媚於秦然不免首為秦人所  
滅故綱目於其入弔之事大書于冊所以戒有國之



君不可不自疆在善而毋徒媚敵以乞憐也或曰韓以微弱之國不得大不爾自立則有國君死往稷之義效死勿去死于宗廟可也謂之何哉

○燕伐趙趙敗之遂圍燕

燕王使栗腹約驩於趙反而言曰趙壯者死長平其孤未壯可伐也王使腹將而攻鄒將渠曰與人通關約交使者報而攻之不祥師必無功王不聽自將偏軍隨之將渠引王之綬王以足躡之將渠泣曰臣非自為為王也王不聽遂行趙使廉頗擊之敗其兩軍逐北五百里遂圍燕燕人請和趙人曰必令將渠處和燕王以將渠為相而處和

趙公子勝卒考異

提要無趙公子勝卒五字

亥辛秦孝文王柱元楚十二燕五魏一冬十月秦王薨子楚立十七趙十六韓二十二齊十五年考異王下當有柱字今按昭襄王薨書名據崩葬例曰無統之君稱王公者曰某王公某薨此闕柱字蓋刊本考證當作秦王柱薨○謹按凡例曰凡無統稱王公者曰某王公某薨故名存者皆當補書後倣此孝文王即位三日而薨子楚立尊華陽夫人為華陽太后夏姬為夏太后

書法

案王柱也

九燕伐齊拔聊城齊伐取之

燕將攻齊聊城拔之或譜之燕主燕將孫臏聊城不敢歸齊田單攻之歲餘不下魯仲連乃為書約之矢以射城中遺燕將曰為公計者不歸燕則歸齊今獨守孤城齊兵日益而燕救不至將何為乎燕將見書泣三日猶豫不能決遂自殺聊城亂田單克之歸言仲連於齊王欲爵之仲連逃之海上曰吾與富貴而訛於人寧貧賤而輕世肆志焉魏王問天下之高士於子順子順曰世無其人也抑可以為次其魯仲連乎

集覽

聊城徐廣

通鑑紀事本末卷之九



春秋齊西界聊攝戰國時亦齊地秦漢皆為東郡之聊

城約之矢高誘曰纏束書於矢上猶豫顏師古曰猶獸

名性多疑聞有聲則豫登木下上不一故謂不決曰猶

豫索隱曰猶鄒音以獸反禮記作猶與注與音豫崔浩

云猶猿類印鼻長尾性多疑故以比不決者按狐性亦

多疑渡水而聽水聲故云狐疑今解者又引老子與兮

若冬涉川猶兮若畏四隣故以為猶與且按狐聽水而

此云與兮冬涉川則與定是狐類不疑若畏四隣則猶

定是獸自不保同類故云畏四隣也又狐疑注二秦二

世三年富貴而訕於人記儒行曰不充訕於富貴注充

訕喜失節之貌訕音求勿反又丘勿反輕世肆志輕世

眇視天下也肆志故縱志意也

**正誤**富貴而訕於人今按訕與屈同勢相傾軋也

**質實**千統志云

聊城古邑名本春秋時聊攝地戰國時屬齊秦置聊城

縣屬東郡漢因之魏晉俱屬平原郡北齊改屬濟州隋

初屬平原郡尋於此置博州後州省以縣屬武陽郡唐

為博州治五代周省武水縣入焉宋金元仍舊國朝

因之改屬

秦以呂不韋為相國封

文信侯○秦滅東周遷其君於陽人聚

西周公定宇陳氏曰綱目書東西

周之亡而不書二周之分疑漏

東周君與諸侯謀伐秦王使相國帥師滅之遷

東周君於陽人聚周遂不祀周比亡凡有七邑

地理志河南梁縣有陽人聚括地志

云陽人故城在汝州梁縣西四十里

**質實**一統志云陽人聚在南陽

府汝州西秦遷東周於此吳

孫堅大破董卓軍亦此地

秦伐韓取滎陽成隼置三川郡

皇縣名屬河南戰國鄭虎牢關也括地志云故城在洛州

汜水縣西南二里三川秦三川郡漢高改河南郡韋昭曰

洛陽有伊洛河三水故名焉

**質實**本古東魏國春秋時為

鄭京城秦置敖倉於此漢始置滎陽縣屬河南郡其治在

今縣西五十里晉置滎陽郡後魏即縣並徙今治北齊改

今縣西五十里晉置滎陽郡後魏即縣並徙今治北齊改

今縣西五十里晉置滎陽郡後魏即縣並徙今治北齊改

今縣西五十里晉置滎陽郡後魏即縣並徙今治北齊改

今縣西五十里晉置滎陽郡後魏即縣並徙今治北齊改

今縣西五十里晉置滎陽郡後魏即縣並徙今治北齊改



郡曰成隸隋廢郡存縣唐析置武泰縣屬洛州神龍初復  
省入滎陽縣屬鄭州五代宋金元仍舊開國朝因之屬開  
封府成隸古邑名本東魏國地春秋時為鄭嚴邑又名虎  
其秦屬三川郡漢置成隸縣屬河南郡東漢廢縣為關三  
國魏復置縣晉屬河南郡劉宋於此置司州後魏北豫州  
及成隸郡同治於此隋始改縣曰汜水屬滎陽郡唐初析  
置成隸縣貞觀中又省入汜水屬鄭州後屬孟州初屬  
洛州元豐初復屬孟州金屬鄭州元仍舊國朝因之屬  
開封府三川秦之郡名即周之王城下都也漢帝河南郡  
東漢都於此置河南尹三國魏置司州後魏改為洛州徙都之  
尹符秦改為豫州劉宋仍置司州後魏改為洛州徙都之  
又改司州亦為河南尹後周改為東都隋煬帝徙都于此  
改豫州唐初復為洛州置都督府高宗改為東都尋改神  
都天寶初又改東京五代梁為西都唐改東都晉改西京  
宋因之金置德昌軍號中京置金昌府元○楚滅魯遷其  
為河南路國朝改為河南府屬河南府○楚滅魯遷其  
君於市為家人集覽王魯國有十縣括地志云  
王春秋魯邑名即古下明國也戰國時屬楚後屬秦漢置  
下縣屬魯國晉屬魯郡隋改為泗水縣屬兗州唐初因  
之元省入曲阜尋復置屬兗  
州國朝因之改屬兗州府

癸秦二楚十五燕七魏二十九日食○秦伐趙定太原取三  
丑趙十八韓二十五齊十七年

十七城集覽太原注見齊明帝○楚黃歇徙封於吳

春申君言於楚王曰淮北地遠於齊其事急請以為郡而  
封於江東許之春申君因城故吳墟而居之宮室極盛  
集覽城故吳墟春申君傳注正義曰闔閭今蘇州也於  
瀆四從五橫至今猶存質貫府城內西南按春申君傳  
又攻破楚門為昌門注云黃歇初封於吳於闔閭城內小城西北別築城  
居之今圯毀也又大內北瀆四從五橫至今猶存焉

書法黃歇徙封何歇意也綱目誤意故

甲秦三楚十六燕八魏三十趙秦悉拔上黨諸城置太原郡  
寅十九韓二十六齊十八年

道法編下卷第一



**書法** 自上黨降趙於是十有七年凡五書太原上黨

下之勢成矣故謹書之

○秦伐魏魏公子無忌率五國之師敗之追至函谷而還

蒙鶩伐魏取高都及魏王患之使入請信陵君信陵君  
 不肯還其客毛公薛公見曰公子所以重於諸侯者徒  
 以魏也今魏急而公子不恤一旦秦克大梁夷先王之  
 宗廟公子當何面目立天下乎語未卒信陵君色變趣  
 駕還魏魏王持信陵君而泣以為上將軍求援於諸侯  
 諸侯聞之皆遣兵救魏信陵君遂率五國之師敗蒙鶩  
 於河外追至函谷關而還○安陵人縮高之子仕於秦  
 守管信陵君攻之不使使人召高將以為五大夫執節  
 尉而使攻管高對曰父攻子守人之笑也見臣而下是  
 倍主也父教子倍亦非君之所喜敢罷信陵君怒使謂  
 安陵君生束縮高而致之不敢無忠將率十萬之師以  
 造城下安陵君曰吾先君成侯受詔襄王以守此城以  
 手受太府之憲其上篇曰子弑父臣弑君有常不赦國  
 雖大故降成仁子不得與焉今縮高辭大位以全父子  
 之義也縮高聞之曰信陵君為人悍猛而自用此辭反  
 以為國獨吾已全已無違人臣之義矣豈可使吾君有  
 魏患乎乃之使者合刻頸而死信陵君聞之縮素辟舍  
 而遣使謝**集覽** 蒙鶩齊人蒙武之父蒙恬之祖也鶩音  
 安陵君 邀鄭氏首五到及高都魏邑名即河內郡也恬  
 云高都故城今河內澤州是汲魏邑名即河內郡也恬  
 地志云古汲城在衛州汲縣地魏州地管縣名屬榮陽括地志  
 義曰河外者河南岸也魏州地管縣名屬榮陽括地志  
 云今鄭州管城縣外城古管國城也此辭反為句言與  
 理相及爾素辟舍喪服而不居正寢也信陵以縮高因  
 以非理召之而自殺故以示自貶記王藻曰縮冠素紕  
 既祥之冠也開傳曰素縞麻衣鄭玄注此素縞者王藻  
 所云縞冠素紕也紕純綠邊也穀梁傳成五年鞶者曰  
 君親素縞注素衣縞冠凶服也釋曰鄭云以素純喪冠  
 故謂之素縞今注與鄭異也離騷九章曰思以素純喪冠  
 身方因縞素而哭之**正誤** 此辭反為國過今按此辭  
 注縞素白緻縵也反為還報也信陵君遣使謂  
 安陵君生致縮高不然將伐之安陵君不從而曰云云  
 故縮高言使者以辭還報信陵君必伐安陵是為國禍

然



也

**管實**

一統志云高都古邑名春秋時屬晉戰國時屬  
韓後屬趙秦置高都縣屬上黨郡漢因之魏  
置建與郡治此北齊改置高都郡後周廢為高都村故  
城在澤州城東三十里及古邑名本殷牧野之地春秋  
時屬晉戰國時屬魏後屬秦漢置及縣屬河內郡魏屬  
朝歌郡晉為汲郡治後魏置伍城郡及縣屬周以縣屬  
州隋復改為汲縣屬安陵郡唐徙衛治此宋元仍舊  
朝因之改屬衛輝府安陵春秋鄭邑名鄭伯克段于  
即此戰國謂之安陵漢始置鄆陵縣屬潁川郡東魏屬  
許昌郡北齊省入許昌縣隋復置屬許州唐因之宋屬  
開封府金元因之國朝仍屬開封府管古邑名周封  
言叔鮮于此為管國春秋時屬晉後屬魏秦置管縣屬  
三川郡漢屬河南郡晉宋因之魏於縣置管州改屬  
滎陽郡後周改為鄭州隋改為管州唐降為管城縣屬  
鄭州故城在開封府城西一百八十里  
鄭州故城在開封府城西一百八十里

**書法**

追至函谷何惡秦也秦伐之不得志於是再書  
河渭絕無忌之救書大破秦軍於是書追至函谷雖  
終無敢於上而獨目每書追至函谷雖

五月秦王薨子政立

考異 本闕漏與孝文王同

政生十三年矣國事皆委於文信侯號仲父胡  
氏曰孝文莊襄二王之死蓋皆不韋之取也

**書法**

秦王楚也秦自書薨以來未有不名者其不名  
矣而二王之享國皆不末以是為可疑故異其文異  
其文者異其事也然則趙王冊楚王得亦不稱名何  
也六國之事  
故多畧之矣

卯乙

秦王政元楚十七燕九魏三十秦鑿涇水為渠

趙二十韓二十七齊十九年  
韓欲疲秦使無東伐乃使水工鄭國為間於秦鑿涇水  
自仲山為渠並北山東注洛中作而覺欲殺之國曰臣  
為韓延數年之命然渠成亦秦萬世之利也乃使卒為  
之注填閉之水既為鹵之地四萬餘頃收皆畝一鍾由  
是秦益**集覽**涇水地理志涇水出安定涇陽縣西今原  
富饒州百泉縣并頭山也東南至馮翊陽陵縣  
與渭水合又東與漆沮水合經秦漢之都至漢津入河  
與渭水合又東與漆沮水合經秦漢之都至漢津入河  
河山渠書作中山顏師古曰中音仲即今九變山之

通鑑綱目卷第二

十一



東中山也括地志云中一名仲山在雍州雲陽縣西十里

五里並北山東注洛並與傍通音蒲良反近也倚也河

渠書注徐廣曰出焉翊懷德縣瑱關之水填音田塞也

渠依揚反或作於通作於說文瑕滓濁泥為鹵之地河

如字讀之書傳注許慎曰東方謂之斥音昔本或作斥則

鹵鹹地可正誤為鹵今按為本方謂之斥音昔本或作斥則

煇為鹽正誤也周禮草人鹹瀉質實涇水自平

涼府城西南白巖發源至涇州又東南至邠州界又東

北至西安府高陵縣界會于渭神山在西安府涇陽縣

西北七十里俗傳漢高祖兄仲所居於此故

號焉上有仲子廟歲旱圍此射獵則有風雨

**書法**十是年漢武帝元光六年渭渠始此終綱目書渠

明帝永平十三年汴渠後主延熙四年曹魏漕渠隋

甲辰廣通渠煬帝大業元年通濟渠四年末濟渠唐

玄宗天寶元年三門運渠後周

戊午汴渠和溝刀渠不與焉

丙秦二楚十八燕十魏三十二趙趙王薨燕貞魏考異

薨亦刊本漏也

趙使廉頗伐魏取繁陽魏不能用趙師數困王復思之

頗頗怒攻之遂出犇魏魏不能用趙師數困王復思之

使視頗尚可用否頗之仇郭開多與使者金令毀之頗

見使者一飯斗米肉十斤被甲上馬以示可用使者還

報曰廉將軍老尚善飯然與臣坐頃之三遺矢矣王遂

不召楚人迎之類一為楚將無功曰我思用趙人遂卒

於**集覽**繁陽徐廣曰蜀魏郡正義曰在相州內黃東北

楚**集覽**三遺矢史記注索隱曰謂數起便也矢一作屎

**質實**秦置縣屬魏郡漢省之故城在大名府內黃縣東

六十

丁秦三楚十九燕十一魏三十三趙悼秦大饑考異提要漏

襄王偃元韓二十九齊二十一年秦大饑考異秦字

**書法**趙漢武帝建元三年元帝末光元年莽甲戌辛

巳漢光武建武二年安帝永初三年再書晉惠帝無

康四年末興二年愍帝建興二年襄國元帝大興二

年

年

年

年

年

年

年

年

年



年穆帝永和十年秦孝武大元四年秦六年十二年  
京州安帝元興元年梁丙辰魏唐初戊寅涼唐中宗  
嗣聖四年玄宗天寶十三年肅宗上元二年德  
宗興元元年癸卯晉甲寅胡南書饑二十九

○秦伐韓取十二城 ○趙李牧伐燕取武遂方城

李牧者趙北邊之良將也嘗居代鴈門備匈奴以便宜  
置吏市租皆輸莫府為士卒費日擊數牛饗士靚射  
者斬如是數歲無所亡失匈奴入盜則急收保趙邊兵亦  
以為吾將怯趙王使人讓之牧如故王怒使人代之屢  
出戰不利趙王使田高王復請李牧牧稱病不出王彊  
起之牧曰必用臣臣如前乃敢奉令王許之牧至邊如  
約匈奴數歲無所得終以法士日得賞賜而不用皆  
願戰乃選車騎靚戰大縱畜牧人民蒲野匈奴小入  
陳張左右翼擊之破殺匈奴十餘萬騎咸稽破為奇  
胡降之國七而秦趙燕趙於夷狄諸戎亦各分散自有  
冠帶之國七而秦趙燕趙於夷狄諸戎亦各分散自有  
城自代並陰山下至高闕為塞而置雲中鴈門代郡燕  
破東胡却地千里亦築長城自造陽至襄平置大  
武遂方城地理志武遂屬河間國方城屬廣陽郡括地  
志云武遂易州遂城也方城在幽州固安南十七里代  
鴈門正義曰鴈門郡在蔚州飛狐北百五十里匈奴黃  
代國也秦置鴈門郡在蔚州飛狐北百五十里匈奴黃  
帝本紀北逐葷粥注索隱曰葷維殷曰鬼方周曰玁狁秦漢  
曰山戎亦曰獯鬻夏曰淳維殷曰鬼方周曰玁狁秦漢  
行無常處所為治故言莫府莫或作幕晉灼曰衛青  
征匈奴帝就拜大將軍於幕中府莫或作幕晉灼曰衛青  
二說皆非按幕府者以軍幕為義古字通用廉頗李牧  
市租皆入幕府此則非因衛青始有其號又莫大之義  
乖索隱曰古者出征以幕帳為府署也遷不得田畜為  
句正義曰畜許又反軍于匈奴天子之號猶華言皇帝  
也漢書音義曰單于者廣貌言其象天單于然也單  
音蟾音監音擔藍徐廣曰蟾濫一作臨駟如淳曰胡名  
也在代地東胡注見周赧王八年林胡西胡國名括地

集覽



志云在朔州嵐州以北春秋北地地如淳曰林胡即儋  
林為趙武靈王所滅隴西地理志雍州隴西郡今隴右  
也括地志云隴山名郡在山西故名隴西上縣東南五十里  
州今郵延州是括地志云勝州固陽並係上郡地魏築長  
城界陰山地理志西河郡陰山縣括地志云陰山北戎  
地在朔州北塞外東西千餘里草木茂盛匈奴依阻其  
中漢武克匈奴置陰山關徐廣曰在勝州北地郡是山在朔  
郡西安陽縣北高關徐廣曰在勝州北地郡是山在朔  
方郡臨戎縣北有連山險於長城其山中斷兩峯極峻  
相對若闕故名焉雲中今大同府古雲中郡也嵐勝等  
州皆是其地括地志云故城在勝州榆林縣東北遼陽  
曰漢亦棄地記秦塞自五原郡北九里地名造陽匈奴傳  
斗絕也縣之斗曲入匈奴界者其中造陽地也胡頗師古曰  
僻襄平城名也韋昭曰今遼東所理上谷今媯州是在  
古幽州西北羅壁識遺曰燕北百里外有居庸關關東  
二百里外有虎北口即古上谷郡漁陽幽州漁陽郡括  
地志云故城在檀州密雲縣南十八里漁陽幽州漁陽郡括  
州是也遼東平漁陽郡東南七十里北平城即漢右北  
平也遼東平漁陽郡東南七十里北平城即漢右北  
子於朝鮮漢置樂浪等四郡地正統志云武遂古邑名戰  
牲也下文大縱畜牧音質實國一統志云武遂古邑名戰  
同亦謂畜養牧放也國一統志云武遂古邑名戰  
遂縣屬河間國東漢屬安平國晉折置武遂郡唐屬長樂  
國后魏屬武邑郡隋初以武遂省入屬信都郡唐屬深  
州后屬冀州宋金俱屬深州元置東武州尋廢州以縣  
屬深州後屬祁州中統初改屬晉州國朝因之屬真  
定府方城古名戰國時屬燕後屬秦漢置方城縣屬  
廣陽國後屬順郡後魏省隋置固安縣屬幽州唐屬北  
義州貞觀初復屬幽州金屬涿州元屬霸州後陞為固  
安州國朝改為固安縣屬順天府元屬霸州後陞為固  
屬晉戰國時屬趙秦置代縣屬代郡漢封代王於此為  
代國東漢末廢後魏於此置靈丘郡後周兼置蔚州隋  
郡廢州存大業初州廢唐復置蔚州金為蔚州元屬蔚  
安邊郡後復為蔚州遼置忠順軍金為蔚州元屬蔚  
省州為靈仙縣屬弘州尋復為蔚州屬宣德府國朝因  
之屬大同府雁門本名山春秋時屬晉戰國時屬趙秦  
置郡於山下故名焉漢徙治陰館縣三國魏徙治廣武曰  
縣後周移肆州治此隋初郡廢置代州及改廣武曰鴈

後周移肆州治此隋初郡廢置代州及改廣武曰鴈



通鑑綱目卷之九十一 唐紀九十一 唐高祖本紀第十一 唐高祖本紀第十一 唐高祖本紀第十一

門縣大業中改州為鴈門郡唐改代州天寶初改鴈門

郡乾元初復為代州宋因之金置震武軍元罷軍仍為

代州以鴈門縣省入隸太原路國朝初改為代州後

復改為州仍屬太原府隴西秦之郡名即西羌所居之

地漢因之治狄道縣晉析置狄道郡劉宋置武始郡後

魏置臨狄郡後周廢隋復置武始郡屬蘭州後改金城

郡唐天寶初置臨州乾元中置臨洮軍尋改熙州治狄道縣

蕃號武勝軍宋復改為鎮洮軍尋改熙州治狄道縣

改熙州為臨洮府元仍為臨洮府國朝因之屬陝西

道北地秦之郡名即義渠成所居之地漢改為泥陽縣

東漢屬安定郡後魏於此置華州又改邠州西魏改寧

州合之曰邠寧後周分置趙興郡隋改為北地郡唐為

慶源路元屬鞏昌路國朝因之屬慶陽府下郡秦之

郡名即白翟戎所居之地漢改為雕陰縣晉為赫連勃

勃所居後魏於此置上郡又分置綏州隋改為上郡大

業初廢州置雕陰郡唐初為綏州天寶中改上郡乾元

初復為綏州宋為綏德城元符初置綏德軍金改為州

元仍舊國朝因之屬延安府陰山在鞏鞏國東西千

餘里草木茂盛多產禽獸漢時骨頰單于衣阻其中治

哭高關塞名在大同府城西北四百二十里古豐州河

之西史記趙武靈王築長城自代傍陰山下至高關即

此塞是也雲中古地名春秋時北狄所居戰國時屬趙

秦為雲中郡漢因之東漢末郡廢三國魏屬新興郡晉

改屬鴈門郡後魏徙都平城置司州牧及置代尹又置

北恒州後周並廢隋以其地屬代朔雲三川唐初復置

北恒州治雲中縣尋廢開元中置雲州天寶初改雲中

郡乾元初復為雲州五代唐以雲州置大同軍節度遼

陞為西京府曰大同金因之元改置大同路本朝改

為大同府隸山西道襄平古邑名戰國時屬燕後屬秦

漢置襄平縣為遼東郡治所晉廢之遼改為遼陽縣金

元因之本朝改為遼中衛屬遼東行都司正谷古

地名春秋戰國時皆屬燕秦為上谷郡漢置涿鹿縣魏

晉時地屬北燕唐改涿鹿為永興縣置新州五代唐置

團練使總山後八軍同光初陞威塞軍遼會同初改奉

聖州武定軍金大安初陞德興府元初因之後復為奉

聖州屬宣德府本朝改為保安州直隸京師魚陽古

邑名春秋及戰國時皆屬燕秦置漁陽郡漢因之魏晉

屬幽州隋初徙玄州於此後復置漁陽郡唐置薊州取



古薊門關以名天寶初改漁陽郡乾元初復為薊州遼  
置尚武軍宋改廣州軍金屬東都路元仍為薊州隸大  
都路國朝因之以漁陽縣省入改屬順天府石比平  
秦之郡名即春秋時山戎肥子二國地漢末為公孫度  
所據魏改盧龍郡北燕置平州及樂浪郡後魏改樂浪  
為北平郡隋改為平州後廢州為郡唐復改平州天寶  
初改為北平郡乾元初復為平州五代唐以為遼興軍  
金陞為南京天會初復為平州陞興平軍元改為興平府  
中統初陞為平樂路大德中改永平路國朝初改為  
永平府屬北平布政司後直隸京師遼東古郡名戰國  
時屬燕秦屬營州漢初因之武帝拓朝鮮地并割遼東  
屬邑置樂浪玄菟真番臨屯四郡漢末為公孫度所據  
三國魏置東夷校尉居襄平而分遼東昌黎等五郡置  
平州晉改遼東郡為國仍隸平州尋高慕容廆所據後  
魏仍為遼東郡隋初又為高句麗所據唐征高麗復其  
地置蓋遼二州又置都督府九以安東都護總統之尋  
為渤海大氏所據五代時地入契丹何保機脩遼東故  
城以居名曰東平郡尋陞南京又改為東京金初因之  
後置遼陽府元為東京路尋改遼陽路本朝初  
置定遼都衛後改為遼東都指揮使司隸山東道

魏公子無忌卒

秦既敗於河外使人行萬金以間信陵君求得晉鄙客  
今說魏王曰公子亡在外十年矣今復為將諸侯皆屬  
天下徒聞信陵君不聞魏王矣秦王又數使人賀信陵  
君得為魏王未也魏王信之使人代將於是信陵君謝  
病不朝日夜以酒色自娛四歲而卒韓王往弔其子榮  
之以告子順子順曰禮鄰國君弔君為之主今君不命  
子則子無所受韓王其子辭之

秦四楚二十燕十二魏三十春秦伐魏取陽有詭集覽  
四趙二韓三十齊二十二年秦蝗疫令民納粟拜  
詭魏邑名秦皇本紀注徐○秋七月秦蝗疫令民納粟拜  
廣曰陽音場索隱曰音暢

爵

始鬻爵也自是漢文帝書詔民入粟邊得拜爵  
書法武帝書詔民得買爵書令株送徒入財補即安  
帝書令吏民入錢穀拜官賜爵桓帝書賣關內侯以  
下官靈帝書開西州賣官皆自秦始矣書蝗始此終



通鑑綱目卷之第二十一 秦正政四年

綱目書大蝗十六書蝗三十七詳漢文帝後元六年  
書疫始此終綱目書大疫十一書疫四詳漢元帝初  
元元年

已秦五趙二十一燕十三魏景閔王秦伐魏取十城置東

郡集覽 東郡注見漢光武建武八年

申庚秦六楚二十二燕十四魏二楚趙魏韓衛合從以伐秦至

函谷皆敗走考異 據前後列魏

諸侯患秦攻伐無已時故五國合從以伐之楚王為從  
長春申君用車取壽陵至函谷秦師出五國兵皆敗走

集覽 壽陵徐廣曰在常山郡本趙邑

書法 於是取壽陵至函谷秦師出五國之兵皆敗走  
為必敗合異以為同聯蹙以為親以之擯秦未保也

國書當是時以之入秦可也豈黃歇輩能辨哉是以  
上書燕趙韓魏齊楚合從以擯秦則繼書秦以齊魏  
伐趙上書楚趙魏韓衛合從以伐秦則下書至函谷  
皆敗走明從約之不可待也

發明 五國至是猶奄奄垂絕之人爾而乃合兵伐秦  
可乎無已則脩政用賢於內合從締交於外相與保  
境自守秦攻一國則諸侯救之可也無名與師仰關  
而伐自速敗亡咎將誰執故綱目書此

以自敗為文所以著諸國悖謬之罪也

### 楚遷于壽春

朱英謂春申君曰先君時秦善楚二十年不攻者踰  
阻而楚不便假道兩周背韓魏而攻楚不可今則不  
然魏曰暮春亡不能愛許鄆也楚於是去陳徙壽春命曰  
春申君就封集覽 甯通作甯或作宜並音甯通  
於吳行相事甯通作甯或作宜並音甯通

攻



塞徐廣曰在河夏正義曰今申州羅山縣本漢酈縣有平靖關蓋古酈縣之阨塞杜預曰徐云在河夏誤矣魏世家作真阨孫檢曰楚之險塞也括地志云申州東南有石城山甚險峻魏攻真阨蓋謂此山淮南子曰天下

九塞真阨其一焉按申州今信陽是也壽春楚考烈王自陳徙都壽春號曰郢索隱曰漢廬江郡壽春縣隋改壽州宋陞壽春府晉實信陽州東南九十里即春秋所

謂平靖關也有一大石門鑿山通道淮南子曰天下九塞真阨其一也許周之國名春秋屬晉戰國屬魏秦屬

穎川郡漢置許縣東漢獻帝都於此曹魏改曰許昌比齊改為南鄭州後周復為許州隋改為穎川郡唐復為許州宋陞為穎昌府元復為許州國朝因之改屬開

封府鳳陵春秋鄭邑名戰國屬魏魏謂之安陵漢置鄆陵縣屬穎川郡東魏屬許昌郡北齊省之隋復置屬許州唐宋金元仍舊國朝因之改屬開封府壽春古邑名春秋時為六蓼國地楚考烈王自陳遷都于此號曰郢都秦置壽春邑尋為九江郡漢為淮南國東漢為揚州刺史治所晉置淮南郡東晉改壽陽郡元魏置揚州梁

秦拔魏朝歌及衛濮陽衛徙居野王集覽朝歌汲郡朝歌所都也即實實王克殷分其北為地南為衛後封

康叔於衛春秋時即入之戰國屬魏秦屬河東郡漢為汲縣地屬河內郡曹魏置朝歌郡屬冀州晉改汲郡後魏改義州後周改衛州尋復改衛州屬河北道宋因之金改河平軍元改衛輝路國朝改為衛輝府屬

衛輝府屬河南道

辛秦七楚二十三燕十五魏三秦伐魏取汲

酉趙五韓二十三齊二十五秦伐魏取汲

壬秦八楚二十四燕十六魏四魏與趙業

癸秦九楚二十五燕十七魏五秦伐魏取垣蒲集覽垣蒲索

亥趙七韓王安元齊二十七秦伐魏取垣蒲集覽垣蒲索



本作垣蒲陽注故垣地本魏王垣也在絳州垣縣

西北二十里蒲邑故城在隰州隰川南四十五里

魏秦漢為垣縣地屬河東郡後魏置郡及白水縣後周

兼置郡州改縣曰毫城隋改為垣縣屬絳州宋改曰垣曲縣

原即唐改郃州貞觀初州罷以縣屬絳州未改曰垣曲縣

金仍舊元初省入絳縣尋復置國朝因之改屬平陽府

通古邑名即春秋時晉之蒲城也戰國時屬魏後屬秦漢

為河東郡蒲子縣隋以後魏置石城縣後周置石城郡周末

廢又置蒲子縣隋以蒲子移治縣東北故箕城大業初改

為蒲縣屬龍泉郡唐移今治元省入隰川縣

尋復置屬隰州國朝因之改屬平陽府

○夏四月秦

太寒民有凍死者

書法四月太寒異也至有凍死者甚異矣故備書之

而巳秦未建亥必因周曆此書四月

月為憂亦周不改月之一驗也

○秦王冠帶劍

書法帝冠十二詳漢惠帝四年

○秦伐魏取行氏集覽見周慎靖王四年

○秋九月秦嫪

毒作亂伏誅夷三族秦王遷其太后於雍

初秦王即位年少太后時時與文信侯松通王益壯文

信侯恐事覺及禍乃以舍人嫪毐詐為宦者進之生二

子封毒為長信侯政事皆決於毒至是有告毒實非宦

者王下吏治毒毒懼矯王御璽發兵為亂王使相國昂

毒下

平君昂文君攻之毒戰敗走獲之夷三族遷太后於雍

賁陽宮殺其一子下令敢諫者死諫而死者二十七人

斷其四支積之闕下齊客茅焦請諫王大怒按劍而坐

口正沫出趣召鑊欲烹之焦徐行至前再拜請起稱曰

臣聞有生者不諱死有國者不諱亡諱死者不可以得

生諱亡者不可以得存死生存亡聖主所欲急聞也陛

下欲聞之乎王曰何謂也焦曰陛下有狂悖之行不自

知刑車製假父囊橐二弟遷母於雍殘戮諫士桀紂之

行不至於是矣今天下聞之盡瓦解無繼秦者臣竊為

陛下危之臣言已矣天下解衣伏質王下殿手接之爵以



上側自駕虛左方迎太  
 后歸復為母子如初  
**集覽** 姁母姓名劉伯莊曰姁居  
 虬反毒徒酷反如淳曰姁  
 即報反毒鳥改反按如說是  
 昌平君昌文君索隱曰昌  
 平君楚公子也立以為相後徙  
 於郢項燕立以為荆王  
 史失其名昌文君名亦不知也  
 賈陽宮李斐曰賈音倍  
 山名也應劭曰宮在扶風郿縣  
 秦文王所建假父指嫪  
 毐囊撲撲弼角反以繼囊  
 盛其人投擲而擊殺之  
 秦惠文王建漢時  
 猶存宣帝嘗幸之

**書法**

於是周亡始書太后從其恒稱矣據周存君王  
 太后于其宮者逆辭也終綱曰書遷太后六  
 是年秦  
 曹節遷竇太后后王延熙十年曹爽遷郭太后壬午  
 年梁王衍遷齊太后后唐年宗神龍元年遷武太后書  
 遷某呈后二漢哀帝元壽二年遷皇后傅氏靈帝中  
 平六年遷皇帝董氏皆逆辭也非逆辭則罪辭也  
 太后遷居某宮五詳

**發明**

后之遷為有名而非羊氏無罪之比矣茅焦進  
 諫復為母子綱目削去而不書者所以  
 著其得罪宗祧之意云爾嗚呼嚴哉

**楚王完薨盜殺東欺**

楚考烈王無子春申君求婦人宜子者進之甚眾卒無  
 子趙人李園進其妹於春申君既育娠園使妹說春申  
 君曰楚王無子即百歲後將更立兄弟被亦各貴其故  
 所親君又安得常保此寵乎且君貴用事父多失禮於  
 王之兄弟兄弟立禍且及身矣今妾有娠而人莫知誠  
 以君之重進妾於王賴天而有男則是君之子為王也  
 楚國可盡得孰與身臨不測之禍哉春申君乃出之謹  
 舍而高諸王召幸之遂生男立為太子園妹為后園  
 亦貴用事恐春申君泄其語陰養死士欲殺春申君以  
 滅口國人頗有知之者王病朱英謂春申君曰李園君  
 之仇也為兵而養死士之日久矣王薨必先入園君  
 殺君以滅口君若置臣即中王薨園入臣為君殺之春  
 申君曰園弱人也僕又善之且何至此英知言不用懼  
 而亡去後十七日王薨園果先入伏死士於棘門之內



刺殺春申君滅其家集覽幸之蔡邕曰夫衣服之加於太子立是為幽王棘門正義曰壽春城棘門

**書法**

不稱楚相何削之也棘門正義曰壽春城棘門

削其官者三黃歇

八

甲秦十 楚幽王 韓元 魏冬十月秦相國呂不韋以罪

**免出就國考異**

提要書曰秦呂不韋以罪免出就國

秦王以不韋奉先王功大不忍誅免就國

**書法**

免例有三書某人免者可免者也著所坐者有罪者書以罪免某人官下某人微免徵下微免皆

無罪者也書以罪免則異於范雎矣故徙蜀則削其爵終綱曰書以罪免八不韋石顯匡衡趙欽胡廣

浩御陵王論再書著所坐

**秦大索逐客客怨李斯上書乞復故官遂除其令**

秦宗室大臣議曰諸侯人來仕者皆為其主遊間耳請一切逐之於是大索逐客客怨楚人李斯亦在逐中行

且上書曰昔穆公取由余於戎得百里奚於宛迎蹇叔於宋求不豹公孫支於晉并國二十遂霸西戎孝公用

商鞅諸侯親服至今治疆惠王用張儀散六國從使之

事秦昭王得范雎疆公室杜私門由此觀之客何負於

秦哉今乃不問可否不論曲直非秦者去為客者逐棄

黔首以資敵國卻賓客以業諸侯此所謂藉寇兵而齎

盜糧者也臣聞泰山不讓土壤故能成其大五河不擇

細流故能就其深王者不却眾庶故能明其德此五帝

三王之所以無敵也惟大王圖之王乃召李斯復其官

除逐客之令卒用斯謀陰遣辦士齎金玉遊說諸侯厚

遣結其名士不可下者刺之離其君臣之計然集覽由

後使良將將兵隨其後數年之中卒兼天下集覽由

秦繆公求士西取由余於戎李斯傳注其先春秋晉人

也亡入戎耳百里奚注見周顯王三十一年五殺大夫

蹇叔秦隱曰秦本紀云百里奚謂穆公曰臣友蹇叔賢

遺



齊趙入秦置酒

義曰寒叔岐州人時遊於宋不豹索隱曰不豹自晉奔秦左傳有明文公孫支索隱曰即子桑也是秦大夫而云求於晉未詳所出正義曰公孫支岐州人時遊於晉黔首黔其炎反應劭曰黔也始皇名民曰黔首以其頭黑也藉寇兵而齎盜糧索隱曰藉或作借謂以兵假寇也齊子奚反持遣也言為盜齎糧也齊或讀為資

書法

書召復故官何議也秦并天下李斯力也何議并天下者李斯也促秦亡者亦李斯也終綱曰

書上書四惟李斯見聽亦惟李斯為議書大索始此終綱曰書大索二是年二十九大搜一漢武帝征

和元年書上書始此終綱曰書上書四李斯梅福鮑宣賀瑛書上疏一後唐康澄書獻策一王通竇融曹

操單于南詔上書不與焉

書法

於是通鑑不書綱目特書之何譏媚敵也國幾亡矣所以自免者如是而已書置酒始此終綱

七年唐貞觀七年愛享不與焉

丑

趙九韓二齊二十九九年趙伐燕取狸陽秦伐趙取九城

考異

提要無趙伐燕集覽疑狸字誤當是漁陽

書法

兩國事也其不殊之何病趙也西支不暇而暇此侵其得喪竟何如哉合而書之所以為謀人

者之戒也

趙王偃薨

子遷立其母倡也嬖於悼襄王王廢嫡子嘉而立之遷素以無行聞於國

丙寅

秦十二楚三燕二十魏八趙秦呂不韋徙蜀自殺

不韋就國歲餘諸侯使者請之相望於道王恐其為變賜不韋書曰君何功於秦封河南十萬戶何親於秦號

稱仲父其徒處燭不韋恐誅飲酖死

書法

徒辭有四徒其某廢其徒貶其徒無罪之辭也其徒者有罪之辭也



自六月不雨至于八月

**書法**

恒陽也書不雨始此終綱目書自某月不雨至于某月六是年漢獻帝興平元年後主建興九年來文帝庚午年齊王順辛未年唐德宗貞元十九年

○秦助魏伐楚

**卯丁**

秦十三楚四燕二十一魏秦伐趙殺其將扈輒趙以李牧為大將軍復戰宜安秦師敗績

**辰戌**

秦十四楚五燕二十二魏秦伐趙取宜安平陽武城

**集覽** 宜安括地志云故城在常山郡藁城縣西南平陽故城在相州臨漳縣西武城縣名屬具州即東武城

一統志云宜安古邑名春秋時屬晉戰國時屬趙秦置宜安縣屬常山郡晉宋廢之其地屬鉅鹿郡隋復置唐省入藁城縣故城在縣西南仍屬真定府平陽古邑名春秋時屬衛後屬晉戰國時屬趙秦屬藁城郡漢屬鉅鹿郡

二十里左傳衛侯飲孔悝酒於平陽即此武城春秋晉邑名戰國趙為平原君封邑地漢置東武城縣屬清河郡晉去東字隋改為清河縣以舊東武城為武城縣唐移治未

濟渠西屬具州宋屬恩州移今治今仍舊

元屬高唐州 國朝因之改屬東昌府 ○韓遣使稱藩

於秦

初韓諸公子非善刑名法術之學見韓削弱數以書于韓王王不能用非疾治國不務求人任賢反秦浮淫之

蠹加之功實之上寬則寇名譽之人急則用介胄之士

所養非所用所用非所養作孤憤五蠹說難等篇十餘

萬言至是王使納地效璽於秦請為藩臣非因說秦王

曰大王誠聽臣說一舉而天下之從不破趙不舉韓不

亡荆魏不臣齊燕不親則斬臣徇國以戒為王謀不忠

者王悅之未用李斯諧之下吏自殺楊子曰韓非作說

難而卒死乎說難何也曰說難蓋其所以死也君子以

禮動而義正合則進否則退確乎不憂其不合也夫說

人而憂其不合則亦無所不退矣司馬公曰君子親其

親以及人之親愛其國以及人之國非為秦謀而首欲

通鑑綱目卷之三十一 秦本紀第四十四



覆其宗國罪固不容

**集覽**

非疾治國韓非以治國者之

於死矣烏足愍哉所為為疾也其所疾者即下

文不務求人任賢以下數事所養非所養其臨事任用者

之臣皆非折衝禦侮之士所用非所養其臨事任用者

並非常所祿養之人故難可盡其死力孤憤言孤直不

容於時五蠹言蠹政之事有五說難說音稅言遊說之

道不易也效壘效呈獻也揚子曰揚雄所撰書問明篇

云卒死乎說壘韓遣非使秦秦王欲用非李斯毀之下

吏非斯遺非藥使自殺蓋其所以死謂說難

欲探人心而求合則無所不至此適足以取死

**已**

秦十五楚六燕二十三魏十

趙四韓七齊三十三

**秦伐趙取狼孟番吾遇李牧**

**石還集覽**

狼孟縣名屬太原故

**晉實**

一統志云狼孟戰國

縣屬太原郡漢置曲陽縣在今定襄縣境漢末移治太原

縣北境魏又徙于狼孟縣南境後魏以陽曲縣屬永安郡

隋改曰陽直屬并州又徙治汾陽故城改曰汾陽煬帝復

曰陽直唐於故陽曲城置汾陽縣尋省陽直改汾陽曰陽

曲宋屬太原府金始移置郭下元

**庚午**

初丹嘗質於趙與秦王善及秦王即

位丹質於秦秦王不禮焉丹怒亡歸

秋九月韓獻南陽地于秦

**代地震圻**

東西百三十步

**書法**

地震變也震而圻大變也不三年而趙亡變不

也天下地震無一方不震也書地震始此終綱目書

地震一百一奏庚午年漢惠帝二年呂后乙卯年文

帝元年五年景帝中元年中三年中五年後元元年

武帝元光四年征和二年後元元年宣帝本始元年

四年地節三年元帝初元二年再書永光三年建昭

二年四年成帝建始三年河平三年綏和二年孺子



嬰初始元年莽丙子年光武建武二十二年章帝建  
初元年和帝末元四年五年七年九年安帝永初元  
年二年三年四年五年六年七年八年九年初元二年三  
年再書四年五年六年再書永寧元年初元二年三  
光元年再書二年三年四年順帝永建三年陽嘉二  
年四年永和二年再書三年再書四年五年漢安二  
年建康元年桓帝建和元年再書二年書再震元嘉  
元二年再書永興二年永壽二年延熹四年五年  
八年末康元年靈帝建寧四年熹平二年六年光和  
元年年再書二年三年獻帝初平二年四年再書興平  
元年年書再震建安十四年後主十二年十五年晉武  
帝太康九年安帝臨安四年恭帝元熙元年宋已巳  
年梁癸巳年隋文帝開皇二十年天下地震唐太宗  
貞觀二十二年玄宗開元二十二年僖宗乾符三年  
五代癸巳年書地坼三漢和帝永元七年桓帝永康元  
陽嘉二年書地裂三漢和帝永元七年桓帝永康元  
年唐僖宗乾符三年坼又甚於裂也西涼效穀西平  
各地裂不書不與焉晉恭帝元熙元年書地動一漢  
景帝後二年書地陷

末九齊三十五年○是歲韓亡凡六國秦內史勝滅韓虜

王安置穎川郡靈帝中平元年穎川郡注見漢

**書法**五國皆先書擊伐後書滅此其直書滅何韓為

秦藩久矣直書滅易辭也亡國之君其辭五死

○趙大饑

秦十八楚九燕二十六魏秦王翦伐趙下井陘趙殺其六

將軍李牧井陘地志常山郡石邑西有井陘山括地

里即井陘口也一名士後屬秦漢置井陘戰國趙邑名

郡晉宋因之隋於縣置井陘郡唐初改井州尋省宋於縣

置天威軍金改爲威州元移威州治洛水以井陘隸廣平

路本朝因之改屬真定府

真定府

真定府

真定府

真定府



秦王剪伐趙趙使李牧禦之秦多與趙變臣郭開金使言牧欲反趙王使趙葱顏聚代之牧不受命遂殺之

**書法**

於是六年三書李牧牧死而趙隨之亡矣

**發明**

書國以殺而不去其官者明牧之無罪不失其官守也趙國危若累卵僅有一將若可少延畧

刻之命而乃無故殺之果何為哉前書牧戰敗秦及秦遇牧而還所以著牧存趙之績後書秦滅趙虜王遷所以著趙見滅之因趙之為國用人如此欲無亡得乎

**齊** 秦十九楚十燕二十七魏十五趙八  
**齊** 齊三十七年○是歲趙亡凡五國

**秦滅趙虜王遷秦王**

**如却**

故與母家有仇者皆殺之

**秦軍屯中山以臨燕**

**考異** 提要書曰秦滅趙虜王遷秦王如却即遂臨燕○趙公

**子嘉自立為代王與燕合兵軍上谷○楚王薨弟却立三**

**月却度兄負芻殺之自立**

**考異** 此據凡例亦當書楚王

**異** 殺當作弑 謹按春申君進李園妹為楚考烈王后生太子悍立為幽王幽王本春申子也鬻熊之祀陰絕十年而幽王死同母弟立是為哀王哀王史記六國表名却世家名猶代通鑑本六國表故曰弟却立此真考烈子在位三月却度兄負芻弑而代之或曰却弟也負芻兄也孰可

以弑加之乎曰不然凡例曰列國弑君事義不同者隨事異文註曰如元魏馮后顯祖之事雖其主母亦不得免弑君之名負芻親則却度兄分則臣下馮后殺子負芻殺弟一

例也惡得不謂之弑哉嗚呼負芻殺弟遂負弑君之罪苟能殺幽王明其非考烈子誅李園立考烈真子尚足以繼

驚能之絕世雪先王之餘耻家齊而國治其功烈豈不躋歟惜其志不及此有勇無義而為亂哀哉正君臣之義明適庶之分故曰殺當作弑非特

**書法**

綱目之法君沒叔姪兄弟爭國非下犯上書殺而巳矣綱目叔姪兄弟爭國六年是年晉懷帝末

嘉四年劉聰弑太子和穆帝末和五年石遵弑太子世安帝隆安三年呂纂殺太子紹宋庚午年馮弘殺



秦二十八年 楚王負芻元燕二十八 魏王假元齊三 燕太子丹

使盜劫秦王不克秦遂擊破燕代兵進圍薊

進兵

初丹既亡歸怨秦王欲報之以問其傅鞠武武請約三晉連齊楚購匈奴以圖之太子曰太傅之計曠日彌久令人心惛然恐不能須也頃之秦將軍樊於期得罪亡之燕太子受而舍之鞠武諫不聽太子聞衛人荆軻賢卑辭厚禮而請見之謂曰秦已虜韓臨趙禍且至燕小不足當秦諸侯又皆服秦莫敢合從丹以為誠得天下之勇士使於秦劫秦王使悉反諸侯侵地若曹沫之與齊桓公盟則善矣不可則因而刺殺之彼大將檀秦必失惟荆軻知留意焉軻許之乃舍軻上舍丹日造門無信則秦養軻無不至會秦滅趙丹懼欲遣軻軻曰行而來歸丹不忍也軻乃見於期曰秦王遇將軍可謂深矣父母宗族皆為戮沒今聞購將軍首千金邑萬家將奈何於期太息流涕曰計將安出軻曰願得將軍之首以獻秦王秦王必喜而見臣臣左手把其袖右手提其胸則將軍之仇報而燕見陵之愧除矣於期曰此臣之日夜切齒腐心者也遂自刎丹奔往伏哭然已無可奈何乃函盛其首又嘗豫求天下之利匕首以藥焯之以試人血濡縷無不立死者乃裝遣軻至咸陽見秦王奉圖以進圖窮而匕首見把王袖而提之未至身王驚起軻逐王環柱而走秦法群臣侍殿上者不得操尺寸之兵左右以手共搏之且曰王負劍王遂拔以擊軻斷其左股軻引匕首擲王不中自負劍王遂拔以擊軻以不成者欲生劫之必得約契以報太子也遂體解以狗王大怒益發兵就王翦於中山

集覽

曹沫與齊桓公

與燕代戰易水西大破之遂圍薊

曹沫左傳作曹劌然則沫宜音沫劌沫字異而聲近曹沫事魯莊公為將與齊戰三敗莊公懼獻遂邑以和乃會軻而盟將盟曹沫執匕首却桓公曰反魯之侵地桓公許之沫乃投匕首下壇北面就群臣之位後桓公欲



倍約管仲不可乃以侵地盡復予魯按此事約公羊傳為說然彼無其名直云曹子而已且左傳莊十年戰于長勺用曹劌謀敗齊而無劫齊桓說十三年盟于柯公羊傳始論曹子毅梁傳惟云曹劌之盟也信齊侯也又不記其行事之時日以共間以因也因其君臣自相離間晉亢地圖劉向別錄曰督亢燕之膏腴地今涿州南新成縣古督亢亭也括地志云范陽東南十里固安縣南有督亢陂幽之南界也燕欲以獻秦故畫圖獻之亢音抗或音剛搃其胸搃知鳩反熾擊也而濡縷以七首試人血出如絲縷之細易水源出易州南安閭山東經霸州漢固安縣也正誤問謂問隙晉實一統志云督亢天府涿州東南其地沃美秦求之燕燕太子丹使荆軻賞督亢地圖以進即此今為督亢亭在焉易水在保定府安州城之北源自府境曹河徐河石橋河一畝泉河滋河沙河鵝兒河唐河諸水至此合流為易水又至雄縣南為瓦濟河過直沽入于海史記燕太子丹使荆軻刺秦王送至易水即此

**發明**秦滅六國皆無罪獨燕有盜劫之舉丹不惟不秦討其罪而秦為無道人皆可得殺之矣然謂盜劫之事而不正燕用之罪爾若夫荆軻自以為賢而不免以盜書者蓋與聶政同科不然足又司馬遷之史矣何以為綱目哉

**亥乙** 秦二十一 楚二 燕二十九 魏二 齊三十九 代二年 冬十月秦拔薊燕王走遼東斬

### 其太子丹以獻於秦

**書法** 書斬何罪丹也故不書殺不書誅何不劫秦亦亡矣

### 秦李信伐楚

秦王問於李信曰吾欲取荆楚用幾何人對曰不過二十萬間王翦曰非六十萬人不可王曰將軍老矣何怯也乃使信及蒙恬將二十萬人伐楚翦謝病歸頻陽集覽歸頻陽地志左馬翦故城在宜州士門縣南今并入輝州資實一統志云李同官縣王翦是頻陽東鄉人故曰歸資實信隴西成紀人頻陽秦之縣名屬馮翊郡漢因之東漢改為役翊縣晉初仍舊後省之故城在西安府富平縣東北七十里

秦二十一 楚二 燕二十九 魏二 齊三十九 代二年 冬十月秦拔薊燕王走遼東斬



內閣

子代三年 楚三燕三十魏三齊四 秦王賁伐魏引河溝以  
其城魏王假降殺之遂滅魏 考異 提嬰書曰秦王賁集

也賁音奔

書法 伐未有書方畧者書引灌何始開河隙也據漢

補後六十年始書河决矣戰伐惟秦書引河溝

○楚人大敗秦軍李信拜還秦王翦代之 考異 提嬰秦下

李信大敗楚軍引兵西與蒙恬會城父楚人因隨之三  
日不頓舍大敗之入兩壁殺都尉信拜還王怒自至  
頓陽謝王翦疆起之翦曰老臣罷病悖乱大王必不得  
已用臣非六十萬人不可王許之於是翦將六十萬人  
伐楚王自送至霸上翦請美田宅其眾王曰將軍行矣  
何憂貧翦曰為大王將有功終不得封侯故及大王之  
卿臣請田宅為子孫業耳王大笑既行又教使使者歸

情之或曰將軍之乞資亦已甚矣翦曰王與中將信  
自堅顧令王坐而疑我矣 集覽 城父正義曰言引兵西

會城父則汝州郟城縣東父城是也杜預曰襄城城父  
縣是霸上霸水之上地名在長安東三十里三秦記云  
霸水古滋水也出雍州藍田谷北入渭正義曰即秦嶺  
水之下流秦繆公築宮於此更名城曰霸城水曰霸水  
以章霸功 鄉臣 鄉與嚮通護也王祖中而不信人王翦  
傳注徐廣曰祖一作粗通鑑釋文曰祖通作粗心不精  
也戰國趙策智伯驪中而少親注驪與粗同疏也然

誤 天 鄉 臣 今 按 質 實 戰 國 屬 楚 後 屬 秦 漢 置 城 父 縣

屬沛郡晉屬譙郡隋屬亳州元廢為村有文廟碑存焉  
故城在鳳陽府亳縣東南七十里 霸水 在西安府城東

二十里本名滋水秦繆公更名以章霸功源  
出秦嶺合藍谷傾谷諸水入漣水北注于渭

五丁 秦 二十三年 楚 四 燕 三十 秦王翦大敗楚軍殺其將項燕

王翦取陳以南至平輿楚人悉國中兵以禦之翦堅壁  
不戰日休十洗沐而善飲食撫循之親與士卒同食父

通鑑綱目卷之二十一



之問軍中戲乎對曰方投石超距翦曰可矣楚既不得戰引而東翦追擊大破之至斬南殺其將軍項燕楚師遂敗走翦乘**集覽**平輿縣名古沈子國輿一作與正義勝畧定城邑曰與音余平與在豫州東北五十四里投石超距徐廣曰超一作投音蒲發反案漢書耳延壽投石投距絕於等倫注張晏曰范蠡兵法飛石重十二斤為機法行三百步延壽有力能以手投之拔距即超距也索隱曰超距猶跳躍也顏師古曰其延壽嘗超踰亭樓言**質實**一統志云平輿春秋沈子國之地名其趨捷耳汝南郡治此後廢隋復置王世充置輿州唐州廢元省入汝陽縣故城在汝寧府城東汝水之南

**戊寅**秦之十四年楚五燕三十二齊四**秦滅楚虜王負芻置楚郡**一統志云楚郡秦初所置治壽春邑漢初為九江郡改為壽州唐改為壽春郡五代唐為順化軍宋置壽春府後改為安豐軍元置安豐路本朝改為壽州以壽春縣省入仍屬

**卯**代六年是歲燕代亡凡二國**秦王賁滅燕虜王喜還滅**

**代虜王嘉**○**秦王翦遂定江南降百越置會稽郡****質實**一統志云會稽郡秦初所置治吳縣漢初因之後以吳縣置吳郡而徙會稽郡治山陰晉為會稽國劉宋置東揚州領之隋初郡廢改東揚為吳州治會稽縣後改越州尋為會稽郡唐初復置越州後改為鎮東軍五代錢氏陞為東都宋仍為越州元改為紹興府直隸浙河道本○**五月天下大酺****考異**提無此六字

**書法**不書秦何秦已滅五國矣故書天下終綱目書酺六詳周赧王二十年

**辰**秦始皇帝二十六年**王賁襲齊王建降遂滅齊****考異**提要

**王賁滅齊****王建降**初齊君王后事秦謹與諸侯信齊亦東邊海上秦日夜攻五國五國各自救以故王建立四十餘年不受兵君



御書

王后且死戒建曰群臣之可用者其王取筆續受言后  
曰已忘之矣君王后死後勝相齊與賓客多受秦間金  
勤王將入秦雍門司馬前曰所為立王者為社稷邪王  
曰為社稷司馬曰為社稷而見王則王何去社稷而  
入秦王乃還即墨大夫聞之見王曰齊地方數千里帶  
甲數百萬今三晉大夫不便秦而在阿鄆之間者百數  
矣收而與之數萬之衆使收晉故地即臨晉之關入  
之數萬之衆使收楚故地即武關可入矣如此則齊威  
可立秦國可亡豈特保其國家而已哉王不聽至是王  
賁自燕南攻齊齊入臨淄民莫敢格者建遂降秦遷之  
與諸侯合從以亡其國歌之曰松邪栢邪住建共者客  
邪疾建用客之不祥也同馬公曰從衡之說雖反覆百  
端然合從者六國之利也獨使六國能以信義相結則  
秦雖疆暴焉得而亡之哉蓋以三晉而攻齊楚是自絕  
其根抵也以齊楚而攻三晉是自散其藩蔽也烏有散  
愛我而不攻豈不悖哉

**集覽**

后勝齊相姓名后胡口反

垣內兵衛所四面皆有司馬臨晉之關顏師古曰在  
同州朝邑界正義曰即蒲津關在馬翊臨晉縣因名焉  
按馬翊郡即今同州本臨晉城住建共者客邪地理志  
共屬河內郡正義曰共音恭客謂陳馳也戰國策注陳  
馳齊人之入秦者自秦稱之曰客秦使馳誘齊王建約  
與五百里地建遂入秦秦**正誤**往建共者客邪今按齊  
遷之共故齊人歌云然**質實**一統志云蒲津關在西安  
客不與諸侯合從以亡**質實**府朝邑縣東黃河岸關下  
其國不專指陳馳也**質實**府朝邑縣東黃河岸關下  
有鐵牛渡唐時橫絕連艦以渡黃河後常絕斷艦破開  
元中鑄鐵牛八以纜浮梁今牛西岸三東岸四其一沉  
於河共古共伯之國名周為鄘國地春秋時并於衛戰  
國時屬魏後屬秦漢置共縣屬河內郡晉屬汲郡隋改  
為共城縣唐初以縣置共州并析置凡城縣尋廢州及  
省凡城入焉宋屬衛州金改河平縣又改蘇門縣後陞  
仍為輝州元因之帝本朝

**書法**

四國皆書擊伐此其書襲何  
齊不備也后勝之罪大矣

十

尚書



御批初作過

作三

屠報

# 王初并天下更號皇帝

王初并天下自以為德兼三皇功初五帝乃更號曰皇帝命為制令為詔自稱曰朕追尊莊襄王為太上皇胡氏曰古之聖人應時稱號非帝貶於皇王貶於帝也後世不知此義遂以皇帝自居而以王封其臣子失之甚矣王之為此義遂以皇帝自居而以王封其臣子失之甚孔子作春秋尊周立號繫王於天其禮隆矣有天下者以是為法而列爵自公以降則名正言順百世以俟而不惑矣

## 除謚法

制曰死而以行為謚則是子議父臣議君也甚無謂自今以來除謚法朕為始皇帝後世以計數二世世至不容誅矣考德行之實而天子議父臣議君而非其體罪之哉然後世謚法雖存而公道不暢為臣子者往往加謚於君親使死受所不當得取世訕笑則又不若不愈矣集覽謚法史記謚法解惟周公太公開嗣王榮稱天以誅之注誅累也累列生時行迹讀之以作謚謚當幼尊者成天子稱天以其無尊焉在天子受之於天耳春秋公羊說以為讀誄制謚於南郊若云受之於天也然

## 發明

孟子曰三代之得天下也以仁其失天下也以不仁又曰行一不義殺一不辜而得天下不以為也秦主初并天下自以為德兼三皇功過五帝乃更號皇帝除謚法令後世以為德兼三皇功過五帝乃為計可謂深且遠矣抑不知秦之所以得天下者仁歟否歟奪人土地毀人宗廟滅人家國皆所不論姑以斬首計之自石門之戰至于赦亡之歲其見於史冊可得而考者蓋百四十餘萬矣又自赦亡之後迄于兼并之日垂四十年史傳皆不載首虜之數其間攻拔城邑者滅國都兵禍殆無虛日豈無一人死於鋒鏑之下斬刈殺戮疾驅力戰秦之得天下者如何乃欲偃然自以為孫帝王萬世之業是豈果無天道耶要之國祚脩短每視其得國之實何使秦氏并吞之後改絃易轍脩仁行義猶不能保其有國况以

此



通鑑綱目卷之第三十一 秦本紀第十一 三十一

殘暴趣之乎不一世而邊城信有由矣語曰君以此始亦以此終參諸孟氏之言而益信

### 定為水德以十月為歲首

作得

圖

初齊人鄒衍論著終始五德之運始皇採用其說以為周德火德秦代周從所不勝為水德始改年朝賀皆自十月朔衣服旌旄節旗皆尚黑數以六為紀以為水德之始剛毅深事皆決於法刻刑毋仁恩和義然後合於五德之數於是**集覽**旌旄節旗皆尚黑禮春官司常急於法父不赦

**書法**書水德何著始也五德之論古不經見鄒衍始倡此論秦人采之以急於法而天下受其毒自是代與所王各異綱目不悉書丹書水德而巳矣齊

書改正者五是年漢武帝太初元年建寅後主建興此在年綱建丑書中宗廟聖六年武後用周曰建

無以易夏時者矣

**發明**孔子曰行夏之時以商之建丑周之建子且不

然不得以十月為歲首乎秦不師古無定道者

### 分天下為三十六郡銷兵器一法度徙豪桀於咸陽

丞相縮等言燕齊荆地遠請立諸子為王以鎮之始皇下其議廷尉斯曰周封子弟同姓甚眾然後屬疏遠相攻擊如仇讐天子弗能禁今海內賴陛下神靈一統皆為郡縣諸子功臣以公族視重賞賜之甚足易制天下無異意則安寧之術也置諸侯不便始皇曰天下共若戰鬪不休以有侯王賴宗廟天下初定又復立國是樹兵也而求其寧息豈可難哉廷尉議是分天下為三十六郡置守尉監收天下兵銷以為鍾鐻金人置宮庭中一法度衡石丈尺徙天下豪傑於咸陽干二萬戶胡氏曰聖人理天下以萬物各得其所為極至封建也者帝王所以順天理承天心公天下之大端大本也郡縣也者霸世暴主之所以縱人欲悖天道私一身之大孽



大賊也分天下有德有功者以地而不敢以天下自私  
 於是是有百里七十里五十里不能五十里和國之制焉  
 於是是有君朝卿太聘大夫小聘王巡符侯述職之禮樂  
 法度焉於是是有千雉百雉三之一五之一一高城深池焉  
 於是是有井邑丘甸縣都之夫數焉於是是有十乘百乘千  
 乘萬乘之車數焉於是是有伍兩卒旅師軍之制焉於是  
 有卿大夫司徒樂正取士之法焉和國之制廢而郡縣  
 之制作矣郡縣之制作而世襲之制亡矣世襲之制亡  
 而數易之弊生矣數易之弊生而民無定志矣巡符述  
 職之禮廢則上下之情不通考文案而不究事實信文  
 案而不信仁賢其弊有不可勝言者矣城池之制廢而  
 禁禦暴客威服四夷之法亡矣太家之法廢而民數不  
 可詳矣民數不可詳而車乘不可出矣車乘不可出而  
 軍師不隱於農矣軍師不隱於農坐食者衆而公私困  
 窮矣世儒不知王政之本反以亡秦為可法所謂明君  
 良臣者亦未免以天下自私自無意於裁成輔相使萬物  
 各得其所所以歷千五百餘歲未有能復之者也聖人  
 制四海之命法天而不私蓋制而不曲防分天下之地  
 以為萬國而舉英才共焉非後世擅天下者以大制小  
 以強制弱之謀也蓋制而不曲防分天下之地  
 長父皆千餘載論與廢則有焉蓋制而不曲防分天下之地  
 縣天下然後極也自秦滅先王之制海內蕩然無有根  
 本之固有今世王天下而繼世無置維之也者有今年  
 貴為天子而明年欲為匹夫不可得者天子尚然况其  
 下者乎物有其根則常而靜安而久常靜安久則理得  
 其終物遂其性封建者政之有根者也故上下辨民志  
 定教化行風俗美理之易治亂之難集覽丞相縮承承  
 亡扶之易興亡之難集覽丞相縮承承  
 天子助理萬機縮姓王氏廷尉斯廷平也治獄質平故  
 號廷尉斯姓李氏守尉監守去聲郡守掌治其郡丞尉  
 掌佐守典武職甲卒監御史掌監郡鍾鐻鐻與虞通音  
 巨周禮梓人為筍虛厚厚斧口出日短耳大胸燿後大  
 體短脰若是者謂之贏屬其聲大而宏則於鐘宜若是  
 者以為鐘虛是故擊其所縣而由其虛鳴注樂器所縣  
 橫曰筍植曰虛今人關中記始皇二十六有大人十  
 二見於臨洮身長五丈足履六尺皆夷狄服天誠若曰  
 勿大為夷狄行將威其國始皇不知反以為瑞乃銷兵  
 器鑄為金人象之索隱曰各重千石坐高二丈號曰翁  
 仲漢世在長樂宮門董卓徙清門裏魏明欲將詣洛陽  
 載到霸城重不可致後石季龍徙之鄴符堅又徙入長



安銷之百里七十里五十里不能五十里邦國之制記  
 王制曰公侯田方百里伯七十里子男五十里不能五  
 十里者不合於天子附於諸侯曰附庸君朝卿大聘大  
 夫小聘王巡狩侯述職之禮樂法度記王制諸侯之於  
 天子也此年一聘三年一大聘五年一朝天子五年  
 一巡狩公羊傳注諸侯即位比年使大夫小聘三年使  
 上卿大聘四年又使大夫小聘五年一朝因助祭以述  
 職疏云此孝經說文千雉百雉三之一五之一高城深  
 池左傳隱元年大都不過參國之一中五之一小九之  
 一注方丈曰堵三堵曰雉一雉長三丈高一丈天子千  
 雉侯伯三百雉大都三分國城之一不過百雉中都五  
 分之一不過六十雉小都九分之一不過三十雉井  
 邑立甸縣都之夫數禮也官小司徒經土地而井牧其  
 田野九夫為井四井為邑四邑為丘四丘為甸四甸為  
 縣四縣為都以任地事而令貢賦凡稅歛之事即書考  
 索曰周禮所謂夫家之數者一夫受田百畝家出一夫  
 而已其合居者亦惟計其丁壯而用之與別居者無異  
 千乘百乘千乘萬乘之車數禮地官小司徒注司馬法  
 曰並百為夫夫二為屋屋三為井井十為通通十為成  
 律軍一乘十成為終律軍十乘十終為同律軍百乘者  
 侯大國一乘十終為終律軍十乘十終為同律軍百乘者  
 里兵車萬乘伍兩卒旅師軍之制禮地官小司徒五人  
 為伍五伍為兩四兩為卒五卒為旅五旅為師五師為  
 軍以起軍旅以作田役鄉大夫司徒退而頒之于其鄉  
 比考其德行道藝而與賢者能者記王制命鄉論秀士  
 升之司徒曰選士司徒論選士之秀者升之  
 學曰俊士樂正順先王詩書禮樂以造士

**書法**

自秦書銷兵器何譏私也秦之亡斬木揭竿者為之  
 九年書收天下兵器十五年書禁民間兵器而鐵義  
 搭鈎積刃之屬皆禁之煬帝大業五年秦隋一轍也

**築宮咸陽北阪上**

初諸廟及章臺上林皆在渭南及破諸侯寫放其宮室  
 作之於咸陽北阪上南臨渭自雍門以東殿屋復道周  
 閣相屬所得諸侯美人鐘鼓以充入之  
 集覽章臺在渭南故城西上林苑名在  
 渭水南即秦之舊地方三百里寫放寫摹畫也放讀曰  
 倣倣也咸陽北阪上徐廣曰在長安西北漢武特別名



渭城雍門史記注徐廣曰在高陵縣正義曰在岐州雍  
縣東殿屋複道周閣相屬正義曰廟記云咸陽北至九  
陵北四百里離宮別館相望聯屬木衣文綉土被朱紫  
宮人不徙窮年志歸猶不能徧及考異漢書曰復道則  
築起為道不與民庶相雜天子自行其上有私路處則  
作穴竇如城門百姓在彼中往來也  
周閣周馳架木為棚而行名曰閣道  
質實臺一統志云章  
安府舊長安城內漢京兆尹張敞罷朝走馬即此  
苑名在西安府城內本秦舊苑漢武帝開廣之周廻數  
里百

**書法** 書築宮重民力也書築宮始此終綱目宮殿書

宮阿房二世元六年復作漢高帝五年長樂宮武帝元  
封二年宣防宮六年首山宮太初元年建章宮四年  
明光宮更始癸未年修宮明帝永平三年北宮靈帝  
中平三年修南宮獻帝建安元年修洛陽宮二十五年  
魏主丕營宮室後主建興五年魏大營宮室十年  
魏始營宮室計二魏非略明宮歌施藤藤殿殿  
新宮六年趙鄴宮咸康二年趙太武殿八年趙長安  
宮洛陽宮穆帝永和元年趙長安宮洛陽宮孝武帝  
太元三年作新宮安帝元興三年燕道遙宮義熙二  
年魏壘南宮宋癸亥年魏西宮癸卯年宋大修梁乙  
卯年事魏新宮乙丑年東魏晉陽宮丙子年齊大治  
宮室巳亥年周洛陽宮隋文帝開皇十三年仁壽宮  
陽帝大業元年東宮宮室三年晉陽宮四年分陽宮  
十二年毘陵宮唐太宗貞觀四年修洛陽宮五年再  
書八年大明宮十一年飛山宮二十一年翠微宮又  
玉華宮高宗顯慶五年合璧宮龍朔三年蓬萊宮永  
淳元年奉天宮中宗嗣聖二十一年周興泰宮玄宗  
開元二年興慶宮十三年集賢殿憲宗元和十三年  
麟德承輝殿德宗大中年雍和殿五代辛卯年閩  
寶皇宮癸卯年楚九龍宮臺  
觀樓閣館院行宮不與焉

**辛** 二十七年帝巡隴西北地至鷄頭山過回中集覽隴西注

政三年北地注見漢哀帝建平元年鷄頭山索隱曰後漢  
王孟塞鷄頭道即此括地志云山在成都上祿東北二十



通鑑綱目卷之第...  
里翻道元云蓋大隴山異名也按原州高縣西百里亦有  
筭頭山在京兆西北八百里黃帝問道於廣成子之所與  
地志云筭頭或即鷄頭也回中應劭曰在安定郡高平縣  
孟康曰在此地郡按安定北地今寧州涇州是括地志云  
秦回中宮在岐州  
雍縣西四十里  
史記黃帝西至于崆峒登鷄頭山即此回中宮名在鳳翔  
府隴州西北一百四十里秦所建也漢文帝時匈奴入蕭  
開燒回中  
宮謂此

**書法**

凡巡遊譏也書巡始此終綱目書巡二十九  
始皇居五馬漢武帝居七馬皆奢慾之主也

○作信宮及甘泉前殿治馳道於天下

**集覽**

信宮作於渭  
南已而以宮

象天極又更各極廟按天官書中宮曰天極是也馳道天  
子所行道也若今之中道然漢書賈山傳曰秦為馳道於  
天下東窮燕齊南極吳楚江湖之上濱海之觀畢至道廣  
五十步三丈而樹厚築其外隱以金推樹以青松漢令諸  
侯有制得行馳道者行旁道無  
得行中央三丈也  
陽縣境渭水南史記秦  
始皇初居長信宮即此

**書法**

書治馳道譏勞民也於天下其矣書治道始此  
終綱目書治道二是年三十五年皆秦也書開

運道一唐德  
宗貞元二年

午壬

二十八年帝東巡上鄒嶧山立石頌功業封泰山立石下  
禪梁父遂登琅邪立石遣徐市入海求神僊渡淮浮江至

南郡而還

**考異**

提要書曰帝東巡立石鄒嶧山封泰山  
禪梁父遂遊海上求神僊南渡江乃還

始皇東行郡縣上鄒嶧山立石頌功德魯儒生議封禪  
或曰古者封禪為蒲車惡傷山之土草木掃地而祭  
席因菹藉議各乖異始皇以其難施用遂紕儒生而除  
車道上自山陽至顛立石頌德從陰道下禪於梁父封  
藏皆秘之世不得而記也遂東遊海上祠山川入神南  
登琅邪作臺刻石初燕人宋毋忌羨門子高之徒稱有  
仙道形解銷化之術自齊威宣燕昭王皆信之使人入  
海求蓬萊方丈瀛洲云此三神山在渤海中去人不遠

通鑑綱目卷之第...  
卷之第...  
卷之第...



患且至則風引船去嘗有至者諸仙人不死藥皆在焉  
 至是方士徐市等上書言之請得齋戒與童男女求之  
 於是遣市發童男女數千人求之船交海中皆以風為  
 解曰未能至望見之焉始皇還過彭城齋戒禱祠欲出  
 周鼎泗水使千人沒水求之弗得乃西南渡淮浮江至  
 湘山祠逢大風幾不能渡上問相君何神博士對曰堯  
 女舜妻葬此始皇大怒代赭集覽泰山在泰安州北三  
 岱宗東嶽也在兖州博城西北三十里郭璞云從山下  
 至山巔百四十八里三百步鄒嶧山一名鄒山在兖州  
 鄒縣南魯繆公改邾作鄒遂因縣名山按鄒山記云鄒  
 山古之嶧山也封禪服虔曰封增土之高歸功於天禪  
 闕廣土地也張晏曰天高不可及於泰山上封禪而祭  
 冀近神靈也墳曰積土為封謂負土於泰山上為壇而  
 祭之除地為壇祭於梁父後改壇曰禪神之矣祭尚玄  
 酒而俎魚蟬皆廣長十二丈壇高三尺階三等而樹石  
 泰山之上高二丈一尺廣二丈席因菹藉封禪書因作  
 用如淳曰菹本作菹音租藉讀曰受說文菹茅藉也藉  
 木稟也去其皮以為席索隱曰周禮祭祀供苴菹也

墳曰泰山下小山名也因以名縣屬泰山郡正義曰梁  
 父在兖州泗水縣北八十里父音甫封藏凡封禪當用  
 玉牒書藏方石有玉檢又用石檢十枚列於石傍檢用  
 金繩纏以五周以水銀和金為泥封之印以受命之璽  
 又有玉匱一長一尺三寸以藏上帝之冊金匱二以藏  
 帝之冊山川八神劉貢父曰八神即封禪書所說一天  
 主祠天齊二地主祠泰山梁父三兵主祠蚩尤四陰主  
 祠三山五陽主祠之罘六月主祠之來七日主祠成山  
 八四時主祠琅邪或曰漢武時謬忘所言為壇開八通  
 之鬼道是也詳見封禪書作臺刻石索隱曰山海經云  
 琅邪臺作勃海間蓋海畔有山其形如臺在琅邪故曰  
 琅邪臺括地志云今密州諸城縣東南有琅邪臺春秋  
 越王勾踐徙都琅邪立觀臺以望東海始皇所作臺即  
 勾踐起臺處宋無忌索隱曰樂彥引老子道德經月中  
 仙人宋無忌白擇圖云火之精曰宋無忌蓋其人火仙  
 也羨門子高羨祠箭反應劭曰羨門古仙人也名子高  
 張揖曰碣石山上仙人羨門高也紫陽真人張義山聞  
 有藥先生得道在蒙山乃追尋之蒙山遇羨門子高乞  
 長生要訣秦皇本紀作羨門高誓韋昭曰羨門古仙人  
 高誓亦古仙人疑韋說誤形解銷化正義曰解佳買反

通鑑綱目卷之八十三

三十七



尸解也張晏曰人老而解去故骨則變化也集仙錄曰有死而形如生人者有死而足不青皮不皺目光不落者皆尸解也白曰解者為上夜半解者為下向曉向暮解者為地地主以風為解皆自解說遇風不得至彭城徐州所理縣州東外城古彭國也搜神記陸終第三子曰錢鏗封於彭即此欲出周鼎泗水封禪書周之九鼎入于秦或曰宋太立社亡而鼎沒于泗水彭州下漢文祠出鼎徐廣曰是後三十七年鼎出於陰文秦本紀周民東亡九鼎入秦正義曰秦昭王取九鼎然一飛入泗水餘入於秦括地志云泗水源自梁東南入淮泗山尾山源有四道因名焉水至彭城呂梁東南入淮泗山柯湖山在長沙下雋縣巴丘界相中記云山在益陽河庭湖中即君山也括地志云黃陵廟在岳州湘陰北舜二妃之神盛弘之荆州記云青草湖南有青草山按相山即此山也山近湘水

**質實**

一統志云鄒嶧山在兗州府鄒縣東南二十五里即嶧山也禹貢嶧陽孤桐春秋知文公卜遷於嶧史記秦始皇上鄒嶧山刻石頌功德皆此

州北五里即東嶧岱宗也舜東巡狩至此其山屈曲蓋道至絕頂高四十餘里有石表東嶧廟封禪壇梁父山名在泰安州東南一百一十五里漢書以此山名縣琅邪臺在青州府諸城縣東南一百一十五里琅邪山越絕書勾踐徙琅邪起觀臺臺周七里以望東海又秦始皇登斯臺大築之留三月晉郭璞曰琅邪臨海遼有山嶠特起狀如高臺此即琅邪臺彭城秦之縣名屬泗水郡項羽自立為西楚霸王都於此漢初改泗水為沛郡又分沛郡立楚國置徐州後改為彭城郡晉於淮南僑立徐州又分淮北為徐州後魏於徐州改北徐州曰徐州而加淮南徐州曰南徐州後魏於徐州仍立彭城郡隋開皇初郡廢復為徐州大業初改為徐州郡唐置徐州天寶初復改彭城郡乾元初復為徐州後陞武寧軍宋因之金屬山東西路元復為徐州本朝因之直隸京師泗水源出兗州府泗水縣南流過沛縣至徐州城東北合沛水循城東南以達于淮昔周顯王時九鼎淪沒于泗秦城鼎氣浮于水上始皇使數千人沒水求之不獲謂之鼎伏即此君山在兗州府城西南一十五里洞庭湖中一名洞庭山狀如十二螺髻山海經云洞庭之山帝之二女居之蓋堯女湘君嘗居於此故名黃陵廟在



岳州府蕭相之尾洞庭之口前代立之以祠舜二妃者  
唐韓愈有碑蓋舜南巡崩葬蒼梧二妃從之不及溺死  
元相之間故人為立  
廟二妃世稱湘君

**書法**

凡巡譏也書法譏忘友也綱目書巡二十九書  
辭之詳者三秦皇是年漢武元封元年隋煬大

業三年皆奢慾之尤者也是故始皇書遂再漢武書  
遂三煬帝書遂一於是史曰上綱嶧山立石頌功德  
綱目書頌功業史曰上自山陽至嶺立石頌德綱目  
止書立石再不書德削之也書封禪始此自是書封  
禪者五君一后始皇是年漢武帝元封元年太初元  
年光武中元元年唐高宗乾封元年周武氏嗣聖十  
二年嵩少玄宗開元十三年終綱目封禪六見上許  
而停者四唐太宗貞觀十五年二十一年高宗弘道  
元年玄宗天寶九年終不許者一隋文帝開皇九年  
書神仙始此終綱目書求神仙三始皇是年漢武帝  
元光二年元封元年書方士各十四徐市新垣平少  
翁樂太公孫卿潘誕盧迦逸多鄭普思葉靜能張呆  
周息元柳泌趙真李玄伯娑婆寐但書天竺方  
士不與焉而罪者一誅者七世主亦可以鑒矣

**發明**

觀綱目所書始皇遊覽立石頌功業之事洋洋  
乎盛哉大書特書不一書而止非美之也所以

著其侈汰  
之實云爾

未承

二十九年帝東遊至陽武韓人張良狙擊誤中副車令天  
下大索十日不得遂登之果刻石而還

初韓人張良五世相韓及韓亡良散千金之產弟死不  
葬欲為韓報仇始皇東遊至陽武傳浪沙中良令力士  
操鐵椎狙擊始皇誤中副車始皇驚求弗得令天下大  
索十日或曰張良之計不亦踈乎程子曰欲報君仇之  
急何暇自  
**集覽**云在萊州文登縣西北九十里封禪書  
為謀邪  
山在濟北並渤海漢書音義曰之罘山在東萊陸縣括地志  
尤反陽武博浪沙中北志陳留留陽武縣括地志云今  
鄭州陽武東北十八里漢陽武城也博浪沙在陽武南  
索隱曰今浚儀西北有博浪城按輿地要覽汴梁路延  
州陽武南有博浪沙亭是也漢書浪作很亦音浪狙擊  
服虔曰狙音蹶伺也應劭曰狙伏伺也狙伺物必伏而



通鑑綱目卷之第... 秦女... 二年... 候之故凡伏而擊者曰狙擊

**質實** 一統志云之罘山名在萊州府福山縣東北三十五里連文登縣界

周圍五十里三面瀕海史記始皇二十九年登之罘刻石紀功即此郊祀志齊有八祠之罘為陽主漢武登之罘山間稱萬歲其東南海水中壘石俗傳武帝造橋有兩石銘尚存

**陽武** 古地名秦為博浪沙之地漢始置陽武縣屬河南郡晉屬滎陽郡東魏屬廣武郡北齊省隋復置屬滎陽郡唐屬鄭州五代屬開封府宋元仍舊國朝因之改屬開封府

**博浪沙** 地名在開封府城北三十里一名博浪沙亭即張良力士擊秦始皇處一云在陽武縣東南三里

**書法** 於是韓既滅矣書韓人何良之心未嘗無韓也故心在乎韓韓雖亡而張良書韓人心在乎晉晉雖亡而陶潛書晉徵士心在乎唐唐雖亡而張承業書唐特進綱目一字之褒嚴矣書遊始此終綱目書遊八是年辛卯年吳主皓晉成帝咸康元年趙王虎安帝元興三年燕主熙梁己亥年魏胡太后陳癸巳年齊主緯五代乙酉年蜀王衍二危莫危於秦焉終綱目書大索十日二是年漢征和元年秦皇漢武

也

**張良** 盜書且是一布衣其視霸政荆軻等耳胡為不以哉良五世相韓志在報君之仇綱目為之故其書法如此然呂政是時鞭笞四海威振殊俗良乃欲狙擊而斃之既而大索弗獲詳書于冊亦足見良之為謀甚深而秦人亦無有為呂政同仇者嗚呼偶語者猶棄市而狙擊者乃獲免孰謂秦法果嚴哉

甲三十一年

乙三十一年

丙三十一年

三十一年使黔首自實田

**集覽** 有實田令民自具頃畝實數也

三十一年帝東巡刻碣石門壞城郭隄防

**集覽**

碣石門

地記樂浪郡遂城縣有碣石山秦築長城起於此又非禹貢碣石也徐廣曰門一作盟

**質實** 一統志云碣石在北平郡灤城縣西南河口之北今平州之南也

灤道元言灤



石碑  
城縣柳海有石如角道數十里當山頂有大石如柱石韋昭以為為石舊在河口海濱歷世既久為水所漸淪入海已去岸百餘里矣今碣石在平州東離海三十里遠望其山穹窿似塚有石特出山頂其形如柱疑即禹貢冀州之石碑

**書法**  
書機私也後乎此唐莊宗亦有母得修城毀其守具之書而秦唐乃亡於長驅之兵也此境何哉

○巡北邊遣將軍蒙恬伐匈奴

初始皇之碣石使盧生求羨門子高還奏得錄圖書曰人北伐匈奴

丁亥三十三年略取南越地置桂林南海象郡以謫徙民五十

萬戍之**考異**  
提要無謫徙

**集覽**  
桂林漢武以其地置嶺南郡南海漢南越郡

郡也今廣州南海郡象  
郡漢武更名曰南郡  
以其地改屬零陵蒼梧二郡三國吳置始安郡屬荆州晉屬廣州梁兼置桂州隋復置始安郡唐復為桂州治臨桂縣至德間改為趙陵郡光化間陞為靜江軍節度五代時屬南漢宋初仍為桂州後陞靜江府元置靜江路國朝改為桂林府隸廣西道南海秦之郡名春秋為南越之地秦於此置郡後為趙佗所據漢討平之復為南海郡屬交州刺史東漢宋遷交州治番禺三國吳又遷交州治龍編而於此置廣州梁陳並置都督府隋置總管府後改廣州曰番州大業初又改南海郡唐復置廣州總管府陞大都督府天寶初改州為南海郡乾元故復為廣州唐末置清海軍節度宋為廣州清海軍大觀中陞為帥府元置廣州路國朝改為廣州府隸廣東道象郡愚按此郡古南粵之地秦初置之漢武析為交趾九真日南合浦等郡自漢晉隋唐宋元至我朝歷代建置沿革不一難以枚舉今廣州雷州等府及安南占城等國皆其故也載攷一統之志俱無專指之處如廣州雷州等府只云秦為象郡地安南占城等國只言屬象郡以此觀之何由知其故蹟是以不敢妄為臆說以惑世之觀者倘因高明教焉謹當備



銀補

發諸嘗通亡人及贅婿賈人為兵畧取南越  
陸梁地置三郡以謫徙民五十萬戍五嶺  
曰男無聘財以身自質於妻家曰贅索隱曰婿如人身  
之肱贅是餘剩之物陸梁地如淳曰在江南正義曰嶺  
南人多處山陸間其性強梁故曰陸梁五嶺裴潛廣州  
記大庾始安臨賀桂陽揭陽是為五嶺又陸德明南康  
記基嶺今名大庾嶺桂陽騎田嶺九真郁龍嶺臨賀萌  
浩嶺始安越城嶺唐書注云大庾嶺在虔州永明嶺白  
芒嶺在道州臘嶺在柳州  
臨源嶺在桂州各有小異

**書法**徙豪桀咸陽不書十二萬此書五十萬何為謫  
徙書也謫徙之民至五十萬刑監可知矣故特  
之書

### 蒙恬收河南地築長城

蒙恬收河南地為四十四縣築長城起臨洮  
至遼東延袤萬餘里暴師於外十餘年恬常居上郡統

治之**集覽**河南地注見漢武帝元朔二年臨洮縣臨洮水  
郡宋改西和**質實**一統志云臨洮秦之縣名屬隴西郡  
州洮音滔本古西羌之地漢晉俱因之西魏始

置岷州及同和郡隋州郡俱廢以其地入臨洮郡後復  
置岷州唐因之天寶初改和政郡乾元初復為岷州治  
道樂縣後陷於吐蕃宋收復祐川縣置岷州紹興初徙  
治長道縣之白石鎮改曰西和州屬利州路元祐初  
縣境復置岷州屬吐蕃等處宣慰都元帥府本  
朝置岷州衛軍民指揮使司直隸陝西道都司

**書法**譏私且勞民也書長城始此終綱曰書長城十  
亥年丙子年高齊三書辛丑年乙巳年大業二年四  
年隋四書高齊重城不與焉枳關長城不書不與焉  
梁丁丑年  
癸未年

### 彗星見

**書法**書記異也自是國無他變問三歲而始皇死天  
下亂是故秦之將興也彗見之周顯王八年其



將亂也。彗復見之。蓋以彗始終焉。通鑑是歲不書彗。見而綱目特書之。其旨深矣。

### 三十四年燒詩書百家語

始皇置酒咸陽宮。僕射周青臣進頌曰。陛下神聖平定海內。以諸侯為郡縣。無戰爭之患。上古所不及。始皇悅。傳士淳于越曰。殷周之王。千餘歲。封弟子功臣。自為枝輔。今陛下有四海。而子弟為匹夫。卒有田常六卿之臣。何以相救。事不師古。而能長久。非所聞也。今青臣又面諛。以重陛下之過。非忠臣也。始皇下其議。丞相李斯言。五帝不相復。三代不相襲。今陛下創大業。建萬世之功。固非愚儒所知。且越言乃三代之事。何足法也。異時諸侯並爭。厚招遊學。今天下已定。法令出一。百姓當家。則農工士則習法令。今諸生不師古。而學古。以非當世。惑亂黔首。聞令下。則各以其學議之。入則心非。出則巷議。誇主以爲名。異趣以爲高。率群下以造謗。如此。弗禁。則主勢降。乎上黨與。成乎下禁。之便。臣請史官。非秦記。皆燒之。非博士官。所職。天下有藏詩書百家語者。皆詣守尉雜燒之。偶語詩書者。棄市。以古非今者。族。吏見知不舉。與同罪。令下三十日。不燒。燬為城邑。所不去者。醫藥卜筮種樹之書。欲學。集覽。僕射。漢官儀云。僕射。秦法令者。以吏爲師。制曰。可。集覽。官。顏師古曰。僕主也。射。本如字。讀古者重武事。每官必有主射。課督之。故名焉。今射音夜。蓋關中語。轉爲此音耳。漢獻帝分置左右僕射。唐置左右匡正。又改左右相。田恒。齊之世。卿也。簡公爲恒所弑。又二世至康公。恒曾孫和。遷康公於海濱。卒。有齊國。是爲威王。六卿。注見周威烈王二十三年。心非。或讀非曰。誹。棄市。索隱曰。按禮云。刑人於市。與衆棄之。故今律謂絞刑爲棄也。黥爲城旦。黥墨刑也。注見周顯王十年。如淳曰。律說論決。爲髡鉗輸邊。築長城。晷司。寇虜。夜暮。築長城。曰四歲刑。

### 三十五年除直道

使蒙恬除直道。道九原。抵雲陽。集覽。除直道。除治也。括地志云。秦故道在塹山。堙谷。千八百里。數年不就。地志云。秦故道在慶州華池縣西。四十五里。子午山上。自九原至雲陽。千八百里。道九原。道由也。地理志。五原郡九原縣正義曰。九原在勝州榆林縣西。界括地志云。勝州連谷縣本秦九原。郡今豐州是。抵雲陽。抵至也。括地志云。今京兆雲



陽縣徐廣曰表云道九原通年泉**質實**一統志云九原秦之縣名屬五原郡唐復為豐州或為九原郡尋廢之故城在大同府城西北四百二十里雲陽秦之縣名屬京兆尹漢改屬在馮翊晉宋因之唐廢焉故城在西安府涇陽縣西北七十里

### 營朝宮作前殿阿房

始皇以咸陽人多先王宮廷小乃營朝宮渭南上林苑中先作前殿阿房東西五百步南北五十丈上可以坐萬人下可以建五丈旗周馳為閣道自殿下直抵南山表山顛以為闕復道渡渭屬之咸陽隱宮徒刑者七十餘萬人分作阿房驪山關中計宮三百關外四百餘因惡鬼所居宮母令人知然後不死之藥始可得也始皇乃令咸陽旁三百里內宮觀復道相連惟帳鐘鼓美人充之各按署不移徙所行幸有言其處者死嘗從梁山宮望見丞相車騎衆弗善也或告丞相丞相損之始皇怒曰此中人泄吾語捕時在旁若盡殺之是後莫知行之所在群臣受決事者悉於咸陽宮

**集覽**阿房

初秦惠文王作宮阿其基房未成而亡始皇惠其宮阿房三百餘里房一作旁或讀如房室之房阿曲也言殿之四阿皆為房一說大陵曰阿言殿高若於阿上為房正義曰房白郎反括地志云阿房宮亦曰阿城在雍州長安西北二十四里宮在上林苑中雍州郭城西南面即阿房宮城東面也顏師古曰阿近也以去咸陽近故號為索隱曰此以其形名宮也言其宮四阿旁廣也隱宮宮淫刑也男子割勢婦人幽閉次死之刑正義曰餘刑見於市朝宮刑一百日隱於陰室養之乃可故曰隱宮下蠶室是也徒刑徒奴役也以罪供徭作分作阿房驪山史記分作阿房宮或作驪山索隱曰驪山在雍州新豐南古驪戎國驪音黎徐廣曰音力知反徵行張曰若徵賤之所為故曰徵行宮觀宮至尊所居之稱也觀猶象魏闕也古者每門樹兩觀於其前所以標表宮門登之則可徧

**正誤**

徵行今按說

**質實**

宮名在西安府

咸陽縣東二十五里秦始皇建於渭南上林苑中驪山在西安府臨潼縣東南二里因驪戎所居故名山之麓温泉所出唐玄宗更名昭應上有老母廟山左肩曰東繡嶺右肩曰西繡嶺梁山宮在西安府永壽縣南八十



里秦於始皇建宮城皆文石亦名織錦城又  
始皇遊梁山宮見丞相李斯車騎衆即此

### 阮諸生四百六十餘人使長子扶蘇監蒙恬軍

侯生盧生相與譏議始皇因亡去始皇聞之大怒曰諸  
生或為妖言以亂黔首使御史按問之諸生傳相告引  
乃自除犯禁者四百六十餘人皆阮之咸陽長子扶蘇  
諫曰諸生皆誦法孔子今以重法繩之臣恐天下不安  
始皇怒使北監蒙恬軍於上郡

#### 書法

秦所以亡以立少子胡亥也胡亥所以得立以  
長子扶蘇在外也扶蘇所以在外以諫阮儒生

#### 網目

然則秦亡之禍自阮儒始天道亦昭昭哉  
著秦亡之本以為後世戒故特書長子

#### 發明

詩書非可燒也而燒之諸生非可阮也而阮之  
天醜其為滅亡者矣故繼書使長子扶蘇監蒙

恬軍以見扶蘇因諫而逐所以著其自取滅亡之實  
使扶蘇尚在左右則趙高邪謀胡亥襲位之事何自  
而萌哉下書隕右東郡及載所刻之語天誅  
之意尤明而乃盡殺石旁居人庸可免乎



